

讀史方輿紀要卷四十

崑山顧祖禹景范輯著  
南昌彭元瑞芸楮校定

錦里龍萬育燮堂校刊

山西二

太原府

東至直隸趙州五百五十一里東南至遼州三百四十里又南至沁州三百一十里又西南至汾

州府二百里西至陝西之吳堡縣界五百五十里北至大同府朔州四百里自府治至京師一千二

里

禹貢冀州地春秋時為晉國戰國時屬趙秦置太原

郡兩漢因之兼置并州治焉魏為太原國并州仍舊

晉因之後為劉淵所據旋沒於石勒又為慕容燕所

據苻堅復取之後魏仍為太原郡兼置并州北齊後

讀史方輿紀要

卷四十

山西二

敷文閣

周皆因之隋初廢郡置并州

隋志開皇二年置河北道行臺九年改為總管

府大業初府廢

大業初改曰太原郡唐初曰并州

初置大總管府又改

大都督府武后長壽元年置北都旋復曰并州開元十一

年又置北都改并州為太原府

天寶元年改北都為北京又為河東節度

使治所唐書至德初命李光弼為北都留守史蓋因舊稱書之非是時又改京為都也寶應初始復曰北

都五代唐為西京又改北京周時為劉崇所據宋太

平興國四年改置并州嘉祐中復曰太原府

一曰太原郡河

東節度使

金因之

改軍曰武勇

元曰太原路大德九年改

冀寧路明初為太原府領州五縣二十

府控帶山河踞天下之肩背為河東之根本誠古今

必爭之地也周封叔虞於此其國日以盛強狎主齊盟屏藩周室者幾二百年迨後趙有晉陽猶足拒塞秦人爲七國雄秦莊襄王二年蒙驁擊趙定太原此趙亡之始矣漢高二年韓信虜魏豹定魏地置河東太原上黨郡此所以下井陘而并趙代也後置并州於此以屏蔽兩河聯絡幽冀後漢末曹操圖袁尚於鄴牽招說高幹曰并州左有恒山之險右有大河之固北有強胡速迎尚以并力觀變猶可爲也及晉室顛覆劉琨拮据於此猶足以中梗劉石及琨敗而大河以北無復晉土矣拓拔世衰爾朱榮用并肆之衆攘竊魏權芟滅羣盜及高歡破爾朱兆以晉陽四塞建大丞相府而居之胡氏曰太原東阻太行常山西有蒙山南有霍太山高壁嶺北扼東陘西陘關是以謂之四塞也及宇文侵齊議者皆以晉陽爲高歡創業之地宜從河北直指太原傾其巢穴便可一舉而定周主用其策而高齊果覆隋仁壽末漢王諒起兵晉陽遣其黨余公理出大谷趨河陽見河南重險綦良出滏口見河南黎陽見直隸劉建出井陘見直隸畧燕趙喬鍾葵出鴈門畧代北又遣裴文安等入蒲津徑指長安尋爲楊素所破敗大業十三年李淵以晉

陽舉義遂下汾晉取關中唐武德二年劉武周自馬  
邑南侵其黨苑君璋曰晉陽以南道路險要懸軍深  
入無繼於後進戰不利何以自全武周不聽時世民  
言於唐主曰太原王業所基國之根本請往討之武  
周敗却其後建爲京府復置大鎮以犄角朔方捍禦  
北狄李白云太原襟四塞之要衝控五原之都邑是  
也及安史之亂匡濟之功多出河東最後李克用有  
其地與朱溫爲難天復元年朱全忠攻李克用於太  
原遣其徒氏叔琮入自太行張文恭以魏博兵入自  
磁州新口葛從周以兗鄆成德兵入自土門卽井陘也張

讀史方輿  
紀要

卷四十一

山西二

三

敷文閣

歸厚以洺州兵入自馬嶺王處直以義武兵入自飛  
狐侯言以慈隰晉絳兵入自陰定並抵晉陽城下而  
不能克也迨釋上黨之圍奮夾河之戰梁遂亡於晉  
矣石敬瑭畱守晉陽遂易唐祚而使劉知遠居守開  
運初郭威謂知遠曰河東山川險固風俗尚武士多  
戰馬靜則勤稼穡動則習軍旅此霸王之資也知遠  
果以晉陽代有中原劉崇以十州之衆保固一隅周  
世宗宋太祖之雄武而不能克也宋太平興國四年  
始削平之亦建爲軍鎮劉安世曰太祖太宗嘗親征  
而得太原正以其控扼二邊謂遼人也下瞰長安謂開封也

纔數百里棄太原則長安京城不可都也及靖康之禍金人要割三鎮地三鎮太原河間中山也李綱等以河東爲國之屏蔽張所亦言河東爲國之根本不可棄也時張孝純固守太原女真攻之不能克及太原陷敵騎遂長驅而南矣蒙古蹙金汴京亦先取其河東州郡明初攻擴廓於太原別軍出澤潞而徐達引大兵自平定徑趨太原戰於城下擴廓敗走於是太原以下州郡次第悉平夫太原爲河東都會有事關河以北者此其用武之資也

陽曲縣附郭本秦太原郡狼孟縣地漢置陽曲縣屬太原郡魏晉因之後魏屬來安郡隋郡廢縣屬并

紀要

讀史方輿卷四十一

山西二

四

敷文閣

州開皇六年改曰陽直十六年又改曰汾陽大業末仍曰陽直唐武德三年析置汾陽縣以陽直縣并入七年復改爲陽曲縣仍屬并州宋太平興國三年改置并州於榆次七年復徙治陽曲縣之唐明鎮金天會中始移縣置郭下元

陽曲故城府西北五十里魏晉時縣治此志云漢置

八十里或曰非也漢城蓋在今府西北百餘里應劭曰河千里一曲縣當其陽故曰陽曲後漢末移治太原縣北四十五里魏復徙於狼孟縣南即此城也晉末嘉末劉琨爲并州刺史劉聰遣兵襲破晉陽琨請兵於拓拔珪代後燕軍至陽曲乘西山臨晉曲太元末拓拔珪伐後燕軍至陽曲乘西山臨晉陽是也其地有陽曲川後魏長廣王初高歡與爾朱兆破河西賊帥紇豆陵步蕃於秀容兆德歡歡因詭兆得統六鎮降衆歡恐兆悔之遂宣言受委統州鎮兵可集汾東受號合乃建牙陽曲川陳部分水經注汾水自汾陽縣南流經陽曲城西陽曲在秀容南也五代史後魏移陽曲縣復治故城蓋

即太原縣北故城近志云今府東四十五里有石  
城亦曰石城都後魏嘗移縣治此誤也隋文帝以  
楊姓惡陽曲之名因改曰陽直又移於汾陽故城  
改曰汾陽大業末復曰陽曲又徙治於陽直七年  
云縣東北七十里有陽曲川其地有木井城唐武  
德三年於故汾陽城復置汾陽縣七年省陽直入  
焉仍改汾陽曰陽曲又徙治於陽直故城蓋即木  
井城矣大歷十三年回紇寇河東鎮兵逆戰大敗  
於陽曲即是大城也魏收志縣有陽曲澤即陽曲  
也西南注於汾水金人移縣於今治而謂木井為  
故縣南城邑攷今府城宋太平興國七年所築偏  
於西南明洪武九年展築東南北三面甃以磚石  
環以大濠嘉靖十九年復并南

### 狼孟城

城而新之今城周二十四里  
孟府北七十里本趙邑秦莊襄王二年攻趙狼  
也尋置縣屬太原郡兩漢因之晉屬太原國後魏  
省俗名黃頭寨括地志狼孟城在故陽曲城東北  
二十六里○汾陽城在府北九十里漢縣屬太原  
郡後漢省隋移陽直縣於此因改曰汾陽尋復改

讀史方輿

卷四十一

山西二

五

敷文閣

### 大孟城

廢唐初復置汾陽縣治此後又并入  
陽曲近志汾陽城在今府西七十里  
治此後魏時謂之大孟其一也胡氏曰漢置孟縣蓋本  
面大壑亦曰狼馬澗隋開皇中置孟縣治焉大業  
初并入汾陽縣○洛陰城在府東北七十里或曰  
隋置洛陰府為屯戍之地唐武德七年置羅陰縣  
於此貞觀初省又燕然城在府西北七十里唐貞  
觀六年以蘇農部落置燕然縣屬順州八年僑治  
陽曲屬并州十七

### 三交城

府北五十里相傳晉大夫竇鳴犢所築城也  
舊有三交驛路通忻州宋長編河東有地名  
三交契丹所保多由此起入寇太平興國中詔潘美  
屯三交口潛師拔之美積粟屯兵寇不敢犯又雍  
熙三年賀懷浦將兵屯三交即此城也一統志城  
在府北五里誤又廢白馬府在府西北五十里隋  
置戍兵之所也

罕山

府東五十里其山層巒起伏異於他山因名山南接榆次縣界又方山在府東六十里山形如削南面正西接清源縣界○漢柵山在府東北六十里相傳漢時嘗置柵屯兵於此因名其北

接孟縣之

繫舟山

府北九十里俗傳禹治水會繫舟於此至今有石如環軸志云山北去忻州六十三里又阪泉山在府東北八十里相傳舊名漢山晉文公卜伐楚遇黃帝戰於阪泉之北因改今名又亭子山在府西北五十里俗名北山頭

龍銷谷

府東南五十里明初大兵下澤潞擴廓遣兵駐此以為聲援又乾燭谷在縣西北通典陽曲縣有乾燭谷即羊腸坂

汾水

府西二里源自靜樂縣管涔山流入境又西南入太原縣界宋天禧中陳堯佐知并州因汾水屢漲於東岸築隄周五里引水注之四旁植柳萬株今城西一里柳溪是也又有汾河渡在城西南

紀要

讀史方輿

卷四十一

六

敷文閣

十里路通太原夏秋置船冬春為土橋以渡餘詳大川

洛陰水

府北三十里源出忻州南界南流經廢洛陰水志云石橋河在城西南自孟縣流入界合於洛陰河上有石橋因名○掃谷水在府西北三十里出府西北百二十里之掃谷南流出天門谷入於汾水志云府西北百五十里靜樂縣界有龍泉流至橫渠合掃谷水宋天聖二年夏水大漲郡守陳堯佐築新堤捍之患始免又府東北五十里有澗河水亦西南流入於汾水

天門關

府西北六十里路通舊嵐管州其東北崖隋人圍太原朔州守臣孫翊將兵赴援由寧化憲州出天門關敗沒時府州帥折可求亦統麟府之師三萬涉大河由奇嵐憲州赴援將出天門金據關拒之不能克復越山取道松子嶺至交城為金所敗麟今陝西神木縣府州今陝西府谷縣也餘見下

石嶺關

府東北百二十里路通忻州甚險固唐武德

八年命姜行本斷石嶺道以備突厥既又命張瑾

屯於此長安二年突厥破石嶺寇并州宋開寶二

年車駕至太原契丹來援何繼筠屯陽曲驛契丹

攻石嶺關繼筠敗却之太平興國二年太宗圍太

原命郭進為石嶺關都部署以斷契丹之援元至

正二十年命李羅帖木兒守石嶺關以察罕復爭晉冀也

木兒守石嶺關以南時李羅復爭晉冀引兵至石

嶺關廣廓帖木兒大破之李羅由是不振杜佑曰

忻州定襄縣有石嶺關甚險固定襄本陽曲地也

百井鎮府北四十里唐大歷十二年回紇入寇河東

張彥球追沙陀於代北至柏井軍變還晉陽即白

井也中和元年李克用陷忻代河東鄭從讜遣

兵軍百井以備之五代唐清泰初雲州奏契丹入

寇河東帥石敬瑭請軍於百井為之備周顯德六

年命李重進自土門擊北漢敗北漢兵於百井宋

雍熙三年契丹逼代州潘美將兵自并州往救至

讀史方輿

卷四十一

山西二

七

敷文閣

百井而

虎北

口在府西北五代唐清泰三年張敬達攻河東

遣兵戍虎北口既而圍石敬瑭於晉陽契丹

來救騎兵自揚武谷而南至晉陽陳於汾北之虎

北口唐兵陳於城北西北山下戰於汾曲唐兵大敗

契丹尋還營虎北口敬瑭出北門見契丹主於此

道之

太原縣

府西南四十五里西至交城縣七十里周叔虞

始封地春秋戰國皆曰晉陽秦置晉陽縣為太

原郡治漢晉以後因之唐徙縣治汾水東宋初以縣

為平晉軍尋罷軍為平晉縣後又徙治水利屬太

原府金因之元屬太原路明初復移縣於汾水

西洪武八年復為太原縣今編戶五十五里

太原

故城在今縣治東北古唐國也相傳帝堯始都

此又夏禹之初亦嘗都焉左傳帝遷高辛

氏子實沉於大夏主參金天氏之裔允格臺駘以

處太原皆此地矣周成王滅唐而封其弟太叔虞

讀史紀要

卷四十一

山西二

八

敷文閣

虞子燹以唐有晉水改國曰晉亦謂之大鹵春秋昭元年荀吳敗狄於大鹵即太原也中國曰太原夷狄曰大鹵又謂之大夏齊桓公曰西伐大夏涉流沙亦謂之曰鄂隱六年晉人逆翼侯於隨納諸鄂謂之鄂侯桓八年王又命立哀侯弟緡於晉杜氏曰鄂即晉也索隱唐侯之後封夏墟而都於鄂亦謂之大夏蓋大夏太原大鹵夏墟晉陽鄂凡六名其實一也左傳定十三年趙鞅入於晉陽以叛其後簡子使尹鐸為晉陽及知伯攻趙襄子走晉陽知伯與韓魏圍而灌之沉竈產鼃民無叛意卒滅知伯秦紀昭襄王四十八年司馬耿北定太原莊襄王二年使蒙驁攻趙定太原三年拔趙晉陽置太原郡又漢高十一年封子恒為代王都晉陽史記云都中都如淳曰文帝三年幸太原復晉陽中都二歲似遷都中都也都邑記太原舊城晉并州刺史劉琨築高四丈周二十七里城中又有三城一曰大明城古晉陽城也左氏謂董安子所築城東有汾水南流與城西之晉水匯故史記曰知伯引汾水以灌城春秋後語謂決晉水也高齊於此置大明宮因名大明城其城門曰五龍門齊主

緯以周師逼晉陽夜斬五龍門而出欲奔突厥不果唐姚最述行記晉陽宮西南有小城內有殿號大明宮又一城南面因大明城西面連倉城北面更名城東魏靜帝武定三年於此置晉陽宮隋又開皇十六年築今名倉城高四丈周八里唐義旗初建高祖使子元吉居守即斯地矣唐會要舊太原都城左汾右晉潛邱在中長四千三百二十一

步宮城在都城西北即晉陽宮高祖起晉陽故宮仍隋巡還至太原詔營晉陽宮高祖起晉陽故宮仍隋不廢其城周二千五百二十步汾東曰東城貞觀十三年長史李勣所築兩城間曰中城武后築以合東城雀神慶武后擢神慶為并州長史初州

隔汾為東西二城神慶跨水連環合而一之省防禦兵數千所謂太原三城謂東城西中城耳至德二

載史思明寇太原諸將議脩城以待之李光弼曰太原城周四十里賊垂至而興役是未見敵先自

困也乃率士卒及民於城外鑿濠以自固光弼所

云四十里者止言都城也建中四年馬燧為河東



節度以晉陽王業所基宜因險以示敵乃引晉水架汾而屬之城瀦為水隄省守隄萬人又驪汾環城植柳以固隄唐志宮城東有大明城故宮城也又有節義堂有受瑞壇元吉雷守時獲瑞石因築壇祠之宋平劉繼元城邑宮闕盡皆毀廢及靖康初金人圖太原久不下於城下築舊城居之號元帥府中外斷絕城中大困

### 晉平城

縣東北二十里城周四里宋平河東毀舊城年改為平晉縣熙寧三年縣廢政和五年復置金廢永利監元因之明朝改建太原縣於汾西此城遂廢○龍山城在縣西北齊分晉陽縣置龍山縣於此因山為名或曰齊移晉陽縣於汾水東而於城中置龍山縣也隋開皇十年改龍山曰晉陽移入郭下改舊晉陽縣為太原縣唐並為州治宋毀志云西南外有羅城以禦西山之水俗呼為長龍城今有羅城鎮

### 唐城

在太原故城北一里都城記堯所築叔虞始封此子燮父徙居於晉水傍併理故唐城是也又

紀要

讀史方輿

卷四十一

山西二

九 敷文閣

晉陽舊有東城高齊天寶初宇文泰來伐軍至建州高洋自將出頓東城云建州今見絳縣車廂城○三角城在縣西北二十里其城三面一名徒人城亦曰捍湖城相傳趙襄子所築又有王陵城志云在舊縣東汾水側今為黃林村

### 竹馬廢府

在太原舊府城中又太谷縣有寧靜府榆

府十八皆唐府兵所居也又天兵軍亦在舊府城內唐開元五年突厥九姓內屬者皆散居太原并州長史張嘉貞請宿重兵以鎮之於是置天兵軍於并州集兵百萬以嘉貞為天兵軍大使會要天兵軍聖歷二年置大足元年廢長安元年又置景雲元年又廢開元五年張嘉貞又置十一年改為太原元已北諸軍節度使又有和戎軍亦在晉陽北開元初薛訥為并州長史和戎大武等軍州節度使或謂時改天兵為和戎也大武見代州

### 蒙山

縣西北五里隋志晉陽有蒙山其山連亘溪遠或以為北山或以為西山晉末嘉六年劉聰使

劉曜等乘虛寇晉陽取之并州刺史劉琨請救於  
猗廬曜等戰敗棄晉陽踰蒙山而歸又後周保定  
二年揚忠會突厥自北道伐燕至恒州三道俱入  
從西山而下晉陽二里許為齊將段韶所敗唐  
天復二年河東將李嗣昭等取慈隰二州為汴軍  
所敗汴軍乘勝攻河東嗣昭等依西山得還又後  
唐清泰三年張敬達等圍石敬瑭於太原契丹救  
太原敬達等陳於城北山戰於汾曲為契丹  
所敗皆蒙山也胡氏曰蒙山跨晉陽石艾  
二縣界今平定州別有蒙山非一山矣

**懸壘山** 石如甕水出其中亦曰汲壘山又為結紉山  
水經注懸壘之山晉水出焉其上多玉其下多銅  
通志懸壘山皆晉水所出也又有風谷山亦在縣西  
為懸壘山皆晉水所出也又有風谷山亦在縣西  
十五里道出交城樓煩唐時為驛道所經又尖山  
在縣西南十五里產礬炭諸山蓋皆蒙山之支隴  
矣○嬰山在縣西北三里隋圖經嬰山并州主山  
也又有駝山在縣東北三十五里

狀若駝峯一名黑駝山亦產煤炭  
山西二  
十

讀史方輿 卷四十一 十 敷文閣

**藍谷** 在縣西南胡氏曰蒙山西南有藍谷永嘉六年  
劉曜自蒙山遁歸拓拔猗廬追之戰於藍谷曜  
兵大敗建興初劉琨復與猗廬謀討劉聰琨進據  
藍谷是也志云今縣西南十八里有黃蘆谷又縣西  
北二十五里有并谷西南二十五里有黃蘆谷

**汾水** 在縣城東自陽曲縣流入界又南流與城西之  
晉水會西南入清源縣界或謂之南川以流經  
太原之南也晉永嘉六年猗廬救劉琨前鋒敗劉  
曜於汾東曜扶剗渡汾入晉陽大掠而還唐武德  
五年突厥寇并州襄邑王神符破之於汾東五代  
梁貞明二年王檀將河中同華諸道兵乘虛襲晉  
陽昭義將石君立赴救朝發上黨夕至晉陽梁兵  
扼汾河橋以拒之為君立所敗後唐清泰三年張  
敬達攻石敬瑭於河東契丹來救敗唐兵於汾曲  
石晉開運三年契丹入汴分軍自土門西入河東  
軍於南川既而引還宋開寶二年親征太原壅汾  
晉二水灌其城北漢大恐汾水尋陷其南城太平  
興國四年代太原駐蹕汾東及城下引汾河晉祠  
水灌之隳其故城蓋太原有事汾河其必爭之地

水灌之隳其故城蓋太原有事汾河其必爭之地

也今引為十一渠

### 晉水

在城西南源出懸壺山水經注昔知伯過晉水

瀆乘高東北注入晉陽城亦注於汾後漢元初三年

脩理太原舊溝瀆灌漑公私田謂晉小也唐貞觀

中李贖為并州長史以太原井水苦不可飲乃架

引晉水入東城以甘民食名曰晉渠此即知氏渠

也俗謂之北派其餘復分二派中派亦曰中河又

分流為陸堡河南派亦曰南河會流為清水河以

注於汾今晉水入城之流已涸餘流分為南北中

渠及陸堡渠並既民田又沙河亦在縣西源出風

谷經晉陽故城南隍中東流入汾雨潦則盈旱則

涸○洞渦水在縣東南三十里源出樂平縣西陲

泉嶺經平定州及壽陽榆次諸縣下流經此入汾

今分為四渠

### 臺駘澤

在縣南十里即晉澤也舊為晉水滙流處蒲魚所鍾水經注晉祠南有難老善利二泉大

### 紀要

#### 卷四十一

#### 山西二

#### 上

### 敷文閣

旱不涸隆冬不凍溉田百餘頃又有泉出祠下曰滴瀝泉其泉導流為晉水瀕為晉澤今澤已涸

### 晉安砦

在故晉陽城南亦曰晉安鄉薛居正曰在晉祠南唐清泰三年石敬瑭以河東叛詔張敬

達討之營於晉安鄉尋進圍太原反為契丹所敗

退保晉安契丹就圍之置營於晉安南長百餘里

厚五十里以縋援兵之路唐兵赴援者皆屯團栢

不敢進唐主憂之延臣龍敏曰今選精騎自介休

山路夜冒敵騎入晉安寨使敬達知大軍近在團

栢則事濟矣唐主不能用晉安遂為契丹所陷又

陽興寨在縣東南或

云宋取太原時置

### 銅壁戍

在縣西南汾水上晉升平初苻秦冀州刺史張平來降引兵略秦境苻堅自將擊之前鋒

軍於汾上堅至銅壁平敗降胡氏曰河汾間有銅

川其民遇亂築壘壁自守因曰銅壁時平據晉陽

銅壁蓋近

### 柳林

在縣東南三十里契丹圍敬達於晉安寨置營於晉安南又移帳於柳林遊騎過石會關既而

築壇於柳林立敬塘為天子處也又甘草地會暑雨軍士

疾引還

晉祠志云在縣西南十里懸壺山南祠叔虞也高齊

德五年圖齊晉州齊主高緯集兵晉祠自晉陽趨

救又唐天復二年汴將氏叔琮圍晉陽營於晉祠

攻其西門宋熙寧八年太原人史守一修祠水利

溉田六百有餘頃蓋晉水源出祠下云○講武堂

唐志在晉陽縣北十五里顯慶五年築又

榆次縣府東南六十里春秋時晉之涂水邑涂音塗漢

置榆次縣屬太原郡後漢及晉因之北魏太平真君

中併入晉陽縣尋復置北齊省入中都縣隋改中都

曰榆次尋復移治故城屬并州唐因之宋太平興

國中嘗為并州治後仍屬并州今編戶七十餘里

榆次故城在今縣治西北村佑曰晉魏榆地也左傳

趙拔榆次取三十七城還定太原是也漢置縣於

此今故址猶存

中都城縣東十五里漢置縣屬太原郡文帝為代王

原國末與初劉淵遣別將寇太原取中都縣晉屬太

魏仍屬太原郡隋并入榆次○武觀城在縣西南

三十里陳侃邨一名武館城晉人謂之故郭城虛

謀征艱賦所云經武館之故郭即此也又信都城

有縣東十八里蓋

南北朝時所僑置

麓臺山縣東南三十里又東南五十里有鷹山○黃

寇軍於黃蛇嶺

塗水嶺有二一曰大塗水發源縣東南百二十里入縛

一曰小塗水流出鷹山西流入大塗水水經注塗

水出陽邑東北大嶗山塗谷西南與蔣谷水合而

紀要

讀史方輿

卷四十一

三

敷文閣

入榆次縣界或曰大嶽山今

### 洞渦水

在縣東南境一作大嶽山今  
又西去五里自壽陽縣西南流經此合涂水  
原縣界而注於汾水唐光化二年汴將氏叔琮侵  
晉陽周德威拒之於榆次戰於洞渦河擒其驍將  
陳章五年氏叔琮等分道侵河東出石會關營於  
洞渦驛進抵洛陽不能克既而河東將李存審敗  
汴軍於洞渦汴軍引退宋開寶初李繼勳等侵太  
原與北漢戰於洞渦河大破之進薄太原魏收志  
洞渦水一出木瓜嶺一出沽嶺一出大嶽山一出  
縣東九里原過祠下四水合流故曰同過後譌為  
洞渦云

### 木瓜水

源出縣東南六十里木瓜嶺下西流二十里  
經入縛嶺一名八縛水西流合洞渦水又源  
在縣東八里其泉自平地湧出南流會洞渦  
水唐貞觀中縣令孫湛常令民引渠以溉田○濁  
河在縣西一名赤坑水源出縣東北三十里之罕  
山其地名赤坑也西南流分為二渠以溉田又

### 紀要

縣東北五十里有芹谷水西流合澗河注於洞渦  
水又牛坑水出縣東南三十里懸泉谷亦西流入  
洞渦居民引

渠以溉田

### 萬春渠

縣南三里引洞渦水西流溉田凡百二十餘  
頃又聶店渠在縣北十五里引澗河水溉田  
凡五百餘頃

### 鑿臺

在縣南四十里洞渦水側戰國策黃歇說秦昭  
王書知伯見伐趙之利而不知榆次之禍也又  
云知氏伐趙勝有日矣韓魏反之殺之於鑿臺之  
下唐書代宗初僕固懷恩叛其子瑒攻榆次郭子  
儀將日玉焦輝擊殺之於鑿臺下今為洞渦水所  
湮又廢臺在縣東南五十里相傳冉閔為并州刺  
史時所築

### 長寧寨

志云在縣東南二十五里後魏將李長寧所  
居亦曰長寧壁又福堂寨在縣東南十里亦  
曰福堂壁相傳後魏人區堂所居○土橋在縣東  
北六十里又東五十里為太安驛乃壽陽西走太

讀史方輿

卷四十一

三

敷文閣

原之通道又有鳴謙驛在

### 太谷縣

縣北西去府城五十里  
太原郡後漢及魏晉因之後魏太平真君九年省尋  
復置隋開皇十八年改曰太谷縣唐武德三年置太  
州六年州廢以縣屬并

### 陽邑城

縣東南十五里漢縣治此後周建德四年始  
移今治隋曰太谷唐武德八年李高遷屯太  
谷以拒突厥既而并州總管張瑾與突厥戰於太  
谷軍沒即今縣又縣西北十五里有洛漠城即水  
經注所云涂水出大嶸山西南經蘿磬亭者也郡  
國記謂之蘿摩亭俗因譌為洛漠城相傳秦將王

翦伐趙時所築唐元宗幸太  
原置求豐頓兼立青城於此

### 箕城

縣東三十五里左傳僖十三年晉敗狄於箕昭  
陽邑南郡國志縣西南七里又有副井城戰國時  
趙戍守處今曰副井郡○秦城在縣界唐廣明元  
紀要

讀史方輿

卷四十一

山西二

十四

敷文閣

年河東官軍擊沙陀於太谷至秦城戰不利或曰  
今縣西南七里有成陽城秦伐趙時以咸陽卒戍

此因名今猶謂之咸陽

### 鳳凰山

縣南十里稍東十里曰鳳凰山即鳳皇山右  
翼也山下酌泉出焉北流合咸陽谷水謂之  
交合水又灰泉山在縣東南二十里其

### 馬嶺

縣東南七十里又東南至遼州榆社縣九十里  
魏博路通直隸順德府唐光化二年汴將葛從周救  
自馬嶺入拔遼州樂平進軍檢次為河東將周德  
威所敗三年李克用遣李嗣昭自馬嶺而東與汴  
軍爭邴洛以救劉仁恭時仁恭為全忠所攻也又

兵自馬嶺至遼州州降今馬嶺關在其上

### 太谷

在縣南十三里即咸陽谷也秦築城於谷口以  
南成軍谷亦因城以名水經注太谷在祁縣東  
佛崖又東南十里曰四卦谷有泉四派分流又東

南十里曰回馬谷道亦出順德府

回馬水

在縣東南志云源出榆次縣界黃花嶺流經

源亦出榆次縣界又象谷水在縣東北二十五里

合徐溝縣之金水河經清源祁縣界注於汾水水

經注涂水在縣西南西北流入祁縣界合於隆舟

水又奄谷水出奄谷中東北流合象谷水陰河水

馬嶺關

在馬嶺上俗作馬陵關謂麗涓死處誤矣其

州榆社縣○武林堡在縣東北臨象谷水三面石

崖勢極險阻唐武德初築為戍守處又王班堡在

萬年頓

縣西北十里本名龍泉頓唐開元

讀史方輿

卷四十一

山西二

五

敷文閣

祁縣

府南一百五十里東至太谷縣五十里西南至汾

州府介休縣九十里春秋時晉大夫祁奚邑左傳

昭二十八年晉滅祁氏分為七縣魏獻子以賈辛為

祁大夫是也漢置祁縣屬太原郡後漢魏晉因之後

故祁城

縣東南七里漢縣治此後魏徙今治今日故

以為古祁氏之邑也○郟城在縣西七里志云左

傳成十三年晉侯使呂相絕秦曰焚我箕郟謂此

郟城也恐誤或謂之鵠城今其地名高城郟蓋音

隆舟城

縣東南三十里或謂之隆州城五代周初劉

築城以拒周師宋太平興國四年伐北漢命行營

都監折御卿分兵攻其倚嵐軍下之遂取嵐州漢

入於隆舟依險築城拒守為宋巨所拔王氏曰沂  
御卿自府州會兵先克岢嵐次克嵐州隆州蓋晉漢間  
所置其地當在岢嵐間非即舟城也又縣

**噴山** 縣東南六十里東接太谷縣界南接武鄉縣界  
其相近者又有麓臺山一名頂山又名蒙山亦  
曰竭方山南跨平遙迤邐  
接武鄉沁源靈石三縣界

**團柏谷** 在縣東南即隆舟城之地今日曰團柏鎮唐末  
石敬瑭及契丹兵圍晉安若唐主白河陽遣  
將康思立進援赴團柏谷既而盧龍魏博諸軍皆  
屯團柏谷口去晉安才八里聲聞不通及晉安不  
守契丹與河東兵進至團柏唐兵遂潰周廣順初  
北漢主發兵屯團柏又顯德初北漢主遣其將李  
存環自團柏進攻晉安又自團柏南趨潞州進屯  
梁侯驛昭義帥李筠壁於太平驛為北漢兵所敗  
遁歸上黨宋乾德四年昭義節度使李繼勳伐北  
漢漢主劉繼恩遣劉繼業等扼團柏為繼勳前鋒  
將何繼筠所敗遂奪汾河橋薄太原城下焚其延  
夏門會契丹來救乃還又開寶二年北漢主劉繼

讀史方輿卷四十四 山西二 十六 敦文閣

元置寶興軍於此九國志北漢主以僧劉繼邕知  
國政繼邕遊華巖見地有寶氣乃於團柏谷置銀  
場募民鑿山採取北漢主因置寶興軍是  
也梁侯太平等驛俱見潞安府長治縣

**隆舟水** 在縣東南志云本名龍舟水源出縣東南百  
六十里胡甲山西亦名胡甲水北流出龍舟  
谷名龍舟水其支渠東北出為昌源渠西南出涇  
平遙縣界為長壽渠皆有灌溉之利又涇侯邨旁  
名侯甲水至介休縣北張南邨溉田流入汾水水  
經注侯甲水發源胡甲嶺蔡邕曰侯甲邑名在祁  
縣今沁州武鄉縣西北有

**胡谷水** 在縣東志云出太谷縣流入縣境或曰即通  
胡城水北流溉田出縣東南四十里胡城谷中亦謂之  
田為利甚溥

**昭餘** 縣東七里其水久涸元至元十一年浚鑿  
藪曰昭餘水經注侯甲水又西北流徑祁縣故  
城南自縣連延西接鄆澤是為祁藪即爾雅所謂



昭餘  
祁矣

隆州谷關

縣東南九十里南通沁州北通徐溝縣兩

置巡司戍守亦曰隆州谷北關

盤陀戍

縣東五里宋靖康初金人敗種師中之兵於

潰退保隆德今為盤陀驛

徐溝縣

府南八十里南至祁縣七十里本清源縣之徐

地置今縣屬太原府編戶十九里

洞渦水

在縣北自榆次縣流入界又西入清源縣界

東志云源出太谷縣東北塔山下流合眾泉經榆次縣之東陽鎮流入縣界合象谷水又西入清

源縣境

讀史方輿

卷四十一

山西二

七

敷文閣

象谷渠

在縣城下流分三道環遶東西分

清源縣

府西南八十里東至徐溝縣五十里北至太原

隋開皇十六年始於梗陽故城置清源縣大業初省入晉陽唐初復置宋因之金嘗置晉州於此尋還屬

太原府今編戶二十八里

梗陽城

在今縣治南故晉邑也左傳襄十八年晉中

子不能決者史記趙惠文王十一年秦取梗陽即

此故城周六里○涂陽城在縣南二十里春秋時

晉大夫祁氏邑魏獻子以知徐吾為涂水大夫是

鵝城

唐城舊經陶唐氏自涿鹿徙居此俗謂之姚城

色北方象劉淵以為已瑞築城應之又印駒城志云在縣西南二十三里相傳漢文帝置牧於交城

縣築此城以印駒今縣西北十五里有馬名山亦以文帝牧苑而名

中隱山 谷又白石山在縣西五里亦曰白石谷中多

白石因名洪武中築堰於此以禦

汾水 縣東五里自太原縣流入界又南經此有米陽

水濟渠則引汾灌田處也汾

清源水 縣西北五里自平地湧池亦曰平泉一名不

水源出白石谷流溉田水溢則東南注於汾又白石

交城縣 府西南百二十里西南至汾州府九十里漢晉

置交城縣屬并州以縣界有古交城而名唐因之宋

故交城 縣東北七十里隋唐時縣置於此志云古交

讀史方輿 卷四十一 山西二 十六 敷文閣

紀要 處隋所取以名縣者也舊唐書交城縣西北有古

交城縣 初治交山天授元年移置却波邨先天二

年於故縣分置靈川縣開元二年省却波邨即今

縣治也又寰宇記云縣西北四十里有大通監

東山西治烹鐵務東冶在縣上縣西冶在交城縣

北山義泉社取狐突山鐵礦烹鍊宋白曰大通監

本古交城地又縣西北八十里有大通鐵

冶宋設都提舉司及鐵冶所巡司今俱廢

下馬城 縣北百六十里接靜樂縣界相傳元魏孝文

孔河上本名馬蘭邨孔水南流經此東注於汾漢

魏北齊皆嘗牧馬於此又有榆城在縣西北百三

十里文谷水上亦故名

守處也其地多榆因名

狐突山 縣西北五十里有晉大夫狐突廟因名縣之

錦屏山在縣西北五里紅崖綠樹燦若錦屏又縣

北五里有萬卦山有六峯峙立其旁衆峯交錯因

名又縣西北二十里有石

壁山四圍小山相向如壁

羊腸山

縣東北百里石磴繁委若羊腸然後魏立倉

名深谷嶺嶺上有故石墟相傳魏太武避暑之所

亦謂之萬根谷山元和志羊腸山在交城縣東南

五十三里以舊城言也○交城山在縣北百二十

其父崇於交城北山即此又黑石樓山在縣西北

盆若蓋置於此宋乾德四年石益岩來降是也

文山在縣西北九十里文水歷榆城又南逕文山下

側豎如穀積一名滑集山與永寧州呂梁山相接

嘗游此因名二山西南去永寧州八十里蓋境相

接也又孝文山在縣西北二百里連永寧及靜樂

縣界相傳魏孝文臨

幸汾陽置行宮於此

汾水在縣東南自清源縣折而西流經縣界及西南

入汾水縣界○文水在縣西北三十里源出永

寧州北境之方山流經狐突山下又西南流入文

水縣境下流至汾陽縣入於汾水亦謂之文谷水

孔河在縣東北源出縣西北百二十里之龍樹山南

渾水在縣城東出狐突山南之塔沙谷俱流注於汾

有塔沙水亦出縣東北百七十

河又福泉水出縣東南流入汾

紀要

讀史方輿

卷四十一

五

敷文閣

文水

縣至汾州府介休縣八十里春秋時晉平陵邑漢

為大陵縣地屬太原郡後漢及晉因之後魏置受陽

縣隋開皇十年改曰文水以文谷水名也唐武德三

年改屬汾州六年還屬并州明年又屬汾州貞觀初

復故天授初改為武興縣神龍初仍為文水縣今編

戶七十九里

大陵城

縣東北二十里即晉之平陵也昭二十八年

趙曰大陸亦曰大陵史記趙肅侯六年遊大陸至

於鹿門又武靈王十六年遊大陵夢處女鼓瑟而

歌劉聰曰大陵即大陸也漢置大陸縣晉時為南  
單于所居末與初東瀛公騰遣將聶元擊劉淵於  
大陵為淵所敗後魏遷治於城西南十里改曰受  
陽隋曰文水今縣十里故文水城是子城周圍二  
里有奇宋元豐間因水患徙置南漳沱邨高阜處  
即今縣治城邑攷大陵故城周十餘里後魏廢今  
田為官

### 平陶城

縣西南二十五里漢縣屬太原郡後漢及晉  
因之後魏改曰平遙避太武嫌名也水經注  
西胡內侵徙居京陵魏收志平遙有京陵城今汾  
州府屬縣即魏末所遷也○柵城在縣北二十五  
里後魏宣武時所築當文谷口今名開山邨又雲  
州城在縣北三十里後魏末所築雲州寄理於此  
今日雲州邨又大千城在縣南十里舊經晉時劉  
元海所築合其兄延年居之俗謂兒為阿干也

### 隱泉山

縣西南二十五里在平陶故城南亦名陶山  
石崖絕險壁立險固中有石室去地可五十  
餘丈惟西側一處得歷級升陟頂上平地十餘頃  
有泉東流注於山下亦名東津渠隱沒而不恒流  
讀史方輿卷四十四 山西二 干

### 紀要

故有隱泉之名雨澤豐注則通入文水志曰隱泉  
一名謁泉其石窟曰隱堂洞亦曰子夏室昔子夏  
退居西河之上即此地也故山亦兼子夏之稱宋  
靖康元年金人圖太原使李綱督諸道兵赴救折  
可求之師潰於子夏山時可  
求自汾州而進取道山下也

### 雙峯山

縣北二十里兩峯壁立縣西北三十里又  
有熊耳山亦以兩峯並峙而名一名崇山

### 汾河

縣東入祁縣及汾州府平遙縣界  
又南入祁縣及汾州府平遙縣界

### 文水

在縣東十五里自交城縣南流入縣界經縣北  
二十里由文谷口微折而東南流經此又南入

汾州府界合於汾河又沁水在縣北八里自山下  
湧出東南注文水寰宇記謂之神福泉也又有甘  
泉水在縣西南四十里下流亦注於文水

### 猷水

縣東北二十五里古大陸城之東南周十餘里  
或謂之鄔澤水經注汾水經大陸縣左迤為鄔

澤廣雅水自汾出為汾陂東西四里南北十餘里  
波南即鄔縣也漢志注鄔縣九澤在北是為昭餘

祁呂氏春秋所謂區夷之澤也鄆縣見介休境內  
○武滂泊在縣南二十里唐天授二年賜名朱省  
泊又縣東南三十里有伯魚泊  
或以為卽九澤餘蹟也今皆涸

**柵城渠**

渠以西北二十里唐貞觀三年縣民相率開此  
常渠武德二年汾州刺史蕭頴鑿以引文水南流

入汾又縣東北五十里有甘泉渠二十五里有蕩  
沙渠二十里有靈長渠千畝渠俱引文谷水溉田

數千頃皆開元二年縣令戴謙所鑿今多湮廢  
鴻唐砦在縣南北漢據河東時所置戍守處宋乾德

**鴻唐砦**

在縣南北漢據河東時所置戍守處宋乾德  
四年北漢石盆砦鴻唐砦來降石盆砦今見

交城縣交  
城山下

**壽陽縣**

府東百六十里東至平定州百十里東北至孟  
縣九十里春秋時晉之馬首邑漢為榆次縣之

東境晉置壽陽縣屬樂平郡後廢隋開皇十年改受  
陽為文水而於故受陽城置今縣屬并州唐武德三

年改屬遼州六年移受州治此貞觀八年州廢縣仍  
屬并州宋因之金興定二年改屬平定州元仍屬太

**讀史方輿**

紀要

卷四十

山西二

三

**敷文閣**

原路今編  
戶三十里

**馬首城**

縣東南十五里春秋時晉分祁氏魏獻子使  
韓固為馬首大夫是也今仍名馬首邨又賀

魯城在縣西三十五里相傳趙簡子所築一名胡  
蘆城又縣西二十五里有燕州城縣志云北齊置

州於此今  
名雉竹邨

**廣牧城**

在縣北漢廣牧縣本屬朔方郡後漢建安中  
移治涇南屬新興郡晉因之建興四年劉琨

遣箕澹等救樂平太守韓據於  
沾城琨屯廣牧為聲援後廢

**方山**

縣東北三十五里頂方一里一名神福山或以  
為壽陽山晉永嘉六年拓跋猗廬引兵救劉琨

復晉陽追敗劉曜於藍谷因大獵壽陽山陳閱皮  
肉山為之赤壽陽山北史作牢山郡縣志牢山在

晉陽東北四十五里或曰今陽曲縣罕山之譌也  
○雙鳳山在縣北三十里兩峯狀若伏鳳山之東

有刺  
水泉

渦山

縣南八十里洞渦水經其下因名亦曰過山以高過羣山也又芹泉山在縣東二十里泉源有二出南山鴉兒谷曰南芹山太平谷曰北芹二泉合流東入平定州界亦曰琴泉志云縣北十五里有尖山圓秀迥出羣巒又有神武村亦名神山

殺熊嶺

縣西六十里接榆次縣界宋靖康元年神師完顏活女所襲五戰三勝回趨榆次至殺熊嶺去太原百里敗死石坑或曰在縣東南又黃嶺在縣西北五十里嶺皆黃沙又西北二十里為却畧嶺

鴉兒谷

縣東南三十里東去孟縣百二十里亦曰鴉鳴谷唐乾符五年昭義帥李鈞與沙陀戰於崑嵐之沙谷敗死兵還至代州士卒剽掠州民殺之殆盡餘衆目鴉鳴谷走歸上黨石晉天福九年契丹人犯南至黎陽別遣兵入鴈門寇太原劉知遠敗之於秀谷乃白鴉鳴谷遁去圖經谷徑幽邃昔有迷谷中者見鴉飛鳴得路因名

讀史方輿

卷四十一

山西二

三

敷文閣

洞渦水

縣南五十里自平定州流入境又西南經此一名冷泉河以其地有冷泉亦西南流至榆次界入洞渦水也又有黑水源出縣西四十里黑水邨之西山三源合流至縣南五十里入洞渦水並流入榆次縣境

壽水

縣南二里有二源並導合流至縣西南十里合於黑水又童子河在縣北二十里一名會河經縣西南四里合於壽水又有龍門河在縣西北三十里亦有二源合流而南入於壽水

西張寨

縣西北五十里高五丈周僅十畝許五代時所置也金志興定四年以壽陽西張寨置晉州後為蒙古所毀州亦廢

孟縣

府東北二百四十里東北至直隸真定府二百里東南至直隸井陘縣百五十里西北至代州五臺縣百二十里春秋時仇猶國後并於晉趙獻子使孟丙為孟大夫哀四年齊國夏伐晉取孟國時為趙之源仇城漢置孟縣屬太原郡後漢及晉因之後魏省入石艾縣隋開皇十六年復分置原仇縣屬遼州

大業初改曰孟縣屬太原郡唐武德三年置受州於此六年州移治壽陽縣屬焉貞觀八年仍屬并州宋因之金興定中升為州元因之明朝

洪武二年改州為縣編戶二十二里

仇猶城在縣治東北一里韓非子曰智伯欲伐仇猶

納之國遂亡其遺址尚存寰宇記漢孟縣城在陽

曲東北八十里隋改置原仇縣於故仇猶城西南

即今治也等曰孟縣五代唐同光四年李嗣源為

魏州亂兵所推遂與朝廷相猜貳自魏縣南趨相

州李從珂時戍橫水遂將所部兵由孟縣趨鎮州

與別將王建立合兵倍道從嗣源又五代周顯德

初伐北漢其孟縣降即今城

也今縣北七里有仇猶山

烏河城縣西百二十里隋義寧初置縣唐初屬并州

改曰烏河又有皋牟城在

縣東二十里亦故戍守處

白馬山縣東北二十里宋太平興國四年征太原契

丹來援至白馬嶺與郭進遇契丹將耶律沙

讀史方輿卷四十四山西二

紀要

欲沮澗以待後軍其監軍敵烈不從度澗迎戰大

敗圖經白馬之山白馬水出焉○藏山在縣北五

十里相傳程嬰公孫杵臼藏趙孤處巖壘環堵石

潘灌鎔旁有泉曰聖水志云縣西五里有重門山

一名慈氏山

滹沱河縣北七十里源出繁峙縣之大戲山經代州

境而東入直隸平山

縣界詳見直隸大川

牧馬水縣北七十里源出白馬山北流入於滹沱又

至榆棗關口入於滹沱又縣西南有

細水河流至平山縣境亦注於滹沱

白鹿泐在縣西南潞史記趙世家肅侯十六年趙大

陵出於鹿門鹿門

蓋在此水之側

伏馬關縣東北七十里亦名白馬關或云後魏時置

路通直隸平山縣○榆棗關在縣東北一百

敷文閣

十里路亦通平山  
縣滹沱河所經也

靜樂縣

府西北二百二十里西南至嵐縣五十里漢汾

又置嵐州於此宋白曰後魏嘗置嵐州隋因之仁壽

末嵐州刺史喬鍾葵以漢王諒舉兵并州將兵赴諒

武德初州廢四年改置管州五年又改為北管州八年州省

以縣屬嵐州宋太平興國六年置靜樂軍尋廢軍徙

憲州治此熙寧四年州廢元豐初復置亦曰汾源郡

金仍改曰管州元因之明洪武

二年省州入縣今編戶三十里

樓煩城縣南七十里志云故樓煩胡地趙武靈王曰

行新地出伐西遇樓煩王於西河而致其兵漢置

樓煩縣屬鴈門郡有樓煩王城高祖九年周勃擊

韓王信軍於磬石破之還攻樓煩三城後漢仍為

樓煩縣靈帝時廢曹魏青龍初并州刺史畢軌遣

將蘇尚等擊鮮卑軻比能戰於樓煩敗沒縣故有

鹽官晉及後魏皆為牧苑地後魏主濬和平六年

讀史方輿卷四十一山西二

如樓煩宮蓋地近平城往往遊獵於此也隋唐亦

為監牧地舊唐書樓煩監先隸隴右節度使至德

後屬內飛龍使監城開元四年王毛仲所築也貞

元十五年始別置監牧使中和二年李克用表置

鞏州於此仍置樓煩縣兼領元池天池二縣宋咸

平五年以州地界陘多水潦移治靜樂縣後又省

天池

城舊唐書天池縣在樓煩城西南五十里本置

初屬嵐州後屬憲州宋省又元池廢縣舊唐書在

樓煩城東六十里即李克用所奏置也宋廢又有

汾陽廢縣在今縣東北唐書武德四年分靜樂置

汾陽六度二縣隸管州六年仍省入焉○趙武靈

王城志云在縣南三十里  
東山下臨汾水城壘猶存

紀要

如樓煩宮蓋地近平城往往遊獵於此也隋唐亦

讀史

為監牧地舊唐書樓煩監先隸隴右節度使至德

方輿

後屬內飛龍使監城開元四年王毛仲所築也貞

卷四十一

元十五年始別置監牧使中和二年李克用表置

山西二

鞏州於此仍置樓煩縣兼領元池天池二縣宋咸

山西二

平五年以州地界陘多水潦移治靜樂縣後又省

山西二

元池天池二縣入焉惟樓煩改屬嵐州金因之元

山西二

省縣置巡司今為樓煩鎮仍有巡司戍守志云鎮

山西二

東臨汾水西抵周洪山通交城縣胡氏曰樓煩本

山西二

匈奴所居地在北河之南此蓋因

山西二

漢名或後代所僑置非即故地也

山西二

天池城舊唐書天池縣在樓煩城西南五十里本置



三堆城

今縣治後魏初嘗置三堆縣太平貞石七年

宇文泰使柔然侵魏三堆高歡擊走之又齊主洋

天保四年山胡圖離石洋討之胡走因巡三堆大

砬石城

今城內有堆阜三俗猶名三堆城平寇見忻州

獵而歸蓋卽三堆成也隋築城置郡於此宋白曰

樓煩縣西北似誤又襄陽城志云在縣北九十里

寧化城

傳隋大業中嘗避暑於此

鎮城在縣西北百八十里蓋南北朝時所僞置又林溪

故寧化軍南十八里又廢爲鎮金大定二十二年

岑峯山

改置守禦千戶所

讀史方輿紀要

卷四十一

山西二

五

敷文閣

山在縣南六十里石硤如門有石硤泉流注於汾

相傳晉人以屈產之乘假道於虞蓋出於此又有

石門山在縣西南百里樓煩鎮西北二十五里兩

山聳立其狀若門○周洪山在縣西南七十里巍

管涔山

峩奇秀其西北十里有渥洼泉或曰山蓋與石硤

山相接也又西南五十里有龍和山峭壁峩峩環

繞左右山東去樓煩鎮三十里

縣北百四十里北去朔州百二十里其山中

有天池有龍眼泉卽汾水之源也一名燕京山一

名林溪山相傳劉淵嘗讀書於山中隋以汾源名

縣唐曰管州皆以此山又蘆芽山在縣北百五十

里其南有神林山其西南有荷葉平山俱極形勢

屹嗟山

抵奇嵐界

縣東北六十里北接刁胡山西通磨官谷谷

北八十里路從磨官谷入稱爲險隘又有懸

鐘山在縣東七十五里上有石寨名曰馬寨

**汾水** 在縣城西南自管涔山發源流經寧化所東五

州縣多引以灌田民被其利

**嵐河** 縣西南六十里與嵐縣接界東流入汾又羊兒

樓通懸鐘山焉寨水流合焉西流入汾又監河在

之獨石河邨北流經此注於汾水

**天池** 在管涔山北原上池方里許常盈不涸澄渟如

連泊元魏孝文屢遊畋於此高歡亦常遊焉高洋

將伐庫莫奚至天池庫莫奚聞之出長城北遁高

暉亦嘗獵於天池胡氏曰晉陽至天池三百七十

餘里相傳其水潛通桑乾蓋即桑乾上源矣池東

名老馬溝通志天池在寧化所北百四十里似誤

○溫泉在縣東十五里北山下出石罅中流分數

**汾陽宮** 在管涔山北原上隋大業四年詔於汾水之

樓煩城隋志靜樂縣有汾陽宮是也唐廢

**西嶺關** 縣東南六十五里路出陽曲明初調太原左

土城周一里有奇又樓煩關在縣北隋大業三年

北巡至突厥牙還入樓煩關至太原唐志靜樂縣

**娑婆嶺隘** 縣東八十里漢武初調太原左衛官兵戍

鐘嶺隘口通忻州牛尾寨東北十里有石神嶺隘

口亦通忻州界又有馬家會隘口在娑婆嶺西五

里又橋門嶺隘口在娑婆嶺西三里○鹿徑嶺

隘在縣西北六十里南接嵐縣界西出奇嵐州舊

置巡司

今草

紀要 派注於 碾河 讀史方輿 卷四十一 山西二 敦文閣

馬陵戍 在縣北東魏武定元年高歡築長城於肆州

處土塏見崞縣○龍尾莊在縣西明初元裔屯靜

樂尚嵐山中結寨自固旋寇武州太原守將擊敗

之追至龍尾莊擒其三太子脫忽的即此又窟谷

鎮在縣西北六十里本屬寧化縣舊為戍守處

下馬營堡 志云在寧化所北三十里又北七十里即

鍋石小嶺兒敵騎可通亦稱要害

河曲縣 府西北四百八十里西南渡河至陝西府谷縣

漢劉崇置雄勇鎮宋太平興國七年改置火山縣尋廢金

治於鎮西三十里為治平四年又置火山縣尋廢金

大定二十二年升為火山州等又改為隴州貞元初

置河曲縣取河千里一曲之意元初州縣俱省入保

德州明初洪武二年仍置河曲縣

六年復廢十四年又置編戶七里

河曲城 舊城在今縣東北八十里金興定二年嘗以

讀史方輿 卷四十一 山西二 敦文閣

紀要 河灘許父寨明初因之始築土城萬歷十三年增

脩城周四里邊防攷縣西倚洪河東南兩面皆深

溝陡峻惟北而石梯川受敵為最嘉靖四十五年

河凍寇自陝西黃甫川過河經石梯口突犯又有

曲峪等處為濱河極衝邊外正對陝西

焦家坪等處直接青草灣皆為寇境

火山 在縣西五里黃河東岸山上有孔以草投孔中

氣砂窟山高四五丈黃河過此

如遇覆釜而河流為之曲折云

黃河 縣西北六里自故東勝州境轉而西南流八十

入保德州界縣西北六十里有唐家會渡為津濟

要口邊防考大河流入老牛灣過縣西南經保德

州中間有娘娘灘太子灘皆套賊渡河處最為險

要嘉靖四十四年撫臣萬恭言山西冬防濱河打

冰以防賊渡朔氣嚴凝隨打隨結勞而無濟計沿

河最衝自險崖達陰灣凡二十里自陰灣達石門

拒守以爲得策

**關河** 在縣北百十里源出朔州界流經偏頭關西北

黃河入有平泉在縣西北八十里平地湧出亦西

掠菜園溝即此又有倒回谷溝在縣西南

**偏頭關** 縣北百十里古武州地東連鴉角山西逼黃

因之元升為關明初屬鎮西衛守備洪武二十二年

始建土城宣德天順成化宏治間皆脩築萬歷

二年復改築關城周五里餘備兵使者駐焉志云

大邊在關北百二十里起大司之崖頭至黃河七

十里無牆而有藩籬成化二年復於關北六十

起老營鴉角墩西至黃河岸老牛灣築牆百四十

里號二邊而三牆在關東北三十里起石廟兒至

石梯墩凡七十里後復以時增脩比之二關尤為

至教塲百二十里惟偏頭亦稱外關與宣大角峙宣大

巖固蓋山西惟偏頭亦稱外關與宣大角峙宣大

以蔽京師偏頭以蔽全晉也邊防攷偏頭所轄邊

東起寧武界椒莠西至河曲界寺前墩延長二百

**讀史紀要** 卷四十一 山西二 三

三十二里本關孤懸寇境西邊大河實為衝要近

口有豐州灘歸化城等處皆逼部帳而關城四面皆

及豐州灘歸化城等處皆逼部帳而關城四面皆

山形若覆盂設敵登高下瞰城中歷歷可數且山

谷錯雜瞭望難由關西北驢皮窰入犯奇嵐嵐縣

頭關隆慶初寇復由關西好漢山

石州汾州明復由好漢山

入夜薄老營堡此車也

**樺林堡** 在偏頭關西二十里萬歷二十年建土堡二

套寇東西相望邊外紅漕等處即所居也○韓家

坪堡在偏關東二十里隆慶二年置萬歷十四年

增脩周一里有奇又東二十里為馬站堡正德十

年置隆慶初及萬歷六年增築周四里有奇堡介

偏頭老營之中為東西應援

之地城北即土山戍守尤切

**八柳樹堡** 在偏關東六十里景泰二年建萬歷二十

最衝寇每由此深入犯偏頭老營一時聲援難及

敷文閣

及本堡至寧武一帶故增脩此堡藉為保障然堡內無水設有寇警不可不慮

### 老營堡

歷六年增脩周四里有奇近邊有鴉角山鎮

湖墩五眼井等衝邊外王家莊銀川賊諸處蒙古

駐牧地也邊防考本堡設在極邊與大同接壤山

犯河曲是也而堡城東北去山止數十步敵若登

山下射城中則守陴者危矣此不可不慮○小營

兒堡在老營堡西二十五里嘉靖初置又西二十

### 栢楊嶺堡

在老營堡西北萬歷二年置周不及一里

邊外昭君墓諸處即部長駐牧志云堡舊設於栢

讀史方輿

楊鎮後因山高無水移於密兒塢仍存故名而新

靖初邊臣陳講言老營堡東界有東長峪去大同

最遠應援常疎此兩鎮受禍之由四十五年因創

築此堡即大同東長峪地而堡屬偏頭蓋老營運

餉向來仰給雲朔賊常於乃河道中撲掠老營坐

### 水泉營堡

在偏關北六十里宣德九年置萬歷三年

增脩城周一里有奇東去大同乃河堡二十里

一座二十八里增脩一面連舊城三面周一里零

其北為紅門隘口隆慶五年馬市城設市堡於其

### 草垛山堡

在水泉營西二十里宏治十五年置萬歷

處沿邊有兔兒窠等處為最衝邊外兔毛河歸化

城青山負焉即部長之牙帳也堡內

邊口有東坡墩驢皮窰楊家莊等衝邊外雙墩  
鷄子溝白塔兒一帶即部長駐牧堡勢極孤懸山  
谷錯雜防維宜密又黃龍池堡在草垛山堡西十  
里宏治十五年置萬歷十九年廢二十三年復置  
二十九年脩築周一里有奇沿邊楊家莊為最衝  
邊外鷄子溝一帶即部長駐牧又堡西十五里為  
滑石澗堡宣德九年置萬歷八年增脩周一里有  
奇邊口水門等處為最衝草梁溝次之邊外白塔  
兒一帶即部長駐牧孤懸一隅咫尺外境沿邊  
石磴紆迴寇每緣之以入犯至水門迤西即接河  
套冬深冰結防禦尤切志云滑石澗堡南去偏  
關六十里北去邊六里西去大河二十五里  
永興堡 偏關南四十里正德十年置嘉靖四十二年  
為八角堡去邊雖遠而地稍平曠寇易馳驟守此  
以連內外之聲援云樓溝堡在水興堡西南隆  
慶初置萬歷十七年增脩周不及一里堡密邇龍  
霸山寇嘗據此偏關餉道幾絕故設此堡以遏龍  
霸之衝萬歷三十一年又增築上堡一座與舊堡相連

讀史方輿 卷四十一 山西二 三 敷文閣

河曲營堡

縣東北二十里宣德四年置萬歷二年及  
七年增脩周二里有奇二十六年又增築  
東關土堡三十六年增脩亦周二里有奇沿邊魯  
家口諸處為最衝邊外榆樹灘白泉子溝大灰溝  
等處俱部長駐牧隔河即陝西黃甫川清水營矣  
邊防考隆慶三年營城設參將駐守東北起樓子  
營界寺前墩西南抵縣北石梯隘口長百三十一  
里又南抵興縣黑峪口止黃河東岸沿長二百十  
里皆分轄處也

楊免堡

在縣北南去石梯兒十里堡北十里為得馬  
水營其西即黃河娘娘灘也又北十里為五  
花營堡又北十里為唐會堡邊防攷唐會堡  
在縣西北六十里有唐會堡渡為官軍往來津要  
宣德二年置堡萬歷十年增脩周一里有奇當黃  
河渡口之衝○河會堡在唐會堡東南南萬歷二  
十五年建城周二里有奇邊口有曲峪等處為最  
衝邊外正對陝西焦家坪彌羅衙衙馮家會等處  
直接牙帳東北泉子溝西北柴關兒岔霸王廟俱  
部長駐牧堡地勢平坦四平通衢河凍時備禦尤

切

灰溝營堡

在偏關西六十里去唐家會堡十里又東北二十里為羅圍堡又東北五里為樓子

營堡堡宣德四年置萬歷五年脩築周一里有奇

成化十八年撫臣何喬新敗敵於灰溝是也嘉隆

間寇每由此入犯董家莊辛家坪等處邊外山羊

會小水口一帶皆部長駐牧河西即陝西黃甫川

下鎮砦

在縣北宋置雄勇偏頭董家橫谷桔棹護火

○楊家砦在縣西北七十里明初調鎮西衛官兵戍守今革

附見

寧化守禦千戶所

即靜樂縣北寧化故城也洪武二年置所於此舊城周六里有奇明

讀史方輿

卷四十

山西二

三

敷文閣

紀要

初東畔依山坡改築周二里有奇

偏頭守禦千戶所

詳見上偏頭關明成化十一年置

老營守禦千戶所

詳見上老營堡明嘉靖十五年置

平定州

府東二百八十里東北至直隸平山縣九十里西至遼州二百二十里北至代州三百三十里

春秋時晉地戰國屬趙秦為太原上黨二郡地漢屬

太原郡後漢屬常山國晉屬樂平郡後魏因之隋屬

遼州後屬太原郡唐初亦屬遼州尋屬并州宋置平

定軍金曰平定州元因之以州治平定縣省入明初

亦曰平定州

編戶二領縣一十三里

州東迫常山扼井陘之重險西馳汾曲據太原之上

游并冀有事州其必爭之地也且前控漳滏之流後

德拒句注之阻山川環遶道路四通居然雄勝矣

平定廢縣今州治漢為上艾縣屬太原郡後漢改屬

廢孝昌六年復置改曰石艾隋因之唐武德三年

縣屬遼州六年改屬受州貞觀八年還屬并州天

寶初改曰廣陽縣至德二載史思明寇太原遣人

取攻具於山東以北兵送之李光弼遣兵殲之於

廣陽是也宋太平興國四年改為平定縣平定軍

治焉金為州治元省城邑改州有上城下城上城

謂之榆關相傳韓信伐趙時嘗駐兵於此因高阜

為寨以榆塞門因名宋初增築其東北隅謂之下

城元時嘗脩築之

今城周九里有奇

廣陽城州東南三十里五代時北漢置砦於此宋初

軍四年移治平定縣志云漢上艾縣唐廣陽縣舊

皆治此似誤又有廣陽古城志云在州西南八十

里唐因以名縣今廢為廣陽郵○平潭城在州西

北二十五里相傳趙簡子所築也今為平潭馬驥

城冢記州西北三十里有賽魚城唐武德

紀要 讀史方輿 卷四十 山西二 三 敷文閣

冠山州西南八里以高冠羣山而名又州西八里有

嘉山山下有黑水泉流經城東合於洮水○

綿山州東九十里一名紫荆山澤發水出焉志云故

關山在州東八十五里兩山險隘關居其中

東北九十里又有承天山○四角山在州西南二

十里其勢四起下出三泉又西南十里有七里峯

嶺高七里因名又東浮化山在州東

澤發水州東九十里源出綿山一名畢發水一名白

推妹也泉色青碧婦人衫服過此必興雷雨今泉

突起平地下去絕澗懸流千尺俗謂之水簾洞東

北入直隸井陘縣

界為治河之上源



洞渦水

在縣西南五十里自樂平縣流入界合浮化

八十里出西浮化山流入洞渦水○洮水在城東

其上游即壽陽縣之芹泉也經州西九十里謂之

南川水

在州南五里源山七里嶺東流合於泚水又

嶺亦東流合於南川水

故關

州東九十里道出井陘之要口也通志謂之井

關巡司

葦澤關

州東北八十里即唐之承天軍俗曰娘子關

曰承天軍至太原府三百五十里是也今為承天

鎮詳見直隸真定縣○盤石關在縣東北七十里

讀史方輿

卷四十

山西二

三

紀要

敷文閣

在井陘南三里誤也今詳見直隸井陘縣又董卓

壘在州東北九十里魏收志謂之董卓城一統志

樂平縣

州東南六十里南至遼州和順縣七十里東南

郡後漢因之三國魏析置樂平縣為樂平郡治晉及

後魏俱屬樂平郡隋開皇初郡廢十六年於縣置遼

州大業初廢屬太原郡唐武德三年復置遼州治此

尋徙州治遼山以縣屬受州州廢仍屬并州宋乾德

初伐北漢取之升為平晉軍旋復故改屬平定

軍金興定四年升為州元復故今編戶十里

沾縣城縣西南三十里漢沾縣治此晉志泰始中置

韓據於沾城劉琨救之為勒所敗樂平陷并州亦

降於勒後魏真君九年郡廢縣屬太原郡孝昌二

年復置郡仍治沾城隋初郡廢縣并入樂平

昔陽城

縣東五十里左傳昭十二年晉荀吳入昔陽

滅肥杜預曰樂平沾縣東有昔陽城此肥子

所都之昔陽也俗誤為夕陽城七國時趙置戍於此父縣東有東山廢縣隋開皇初置大業初廢志云縣南三十里又有倉角城一名陽豪城建置未詳

**少山** 縣西南二十里清漳水所出淮南子清漳出揭

水出少山大龜谷酈道元曰其山亦曰鹿谷山水出大要谷南流經沽縣故城東山海經少山亦名河逢山福地記山在樂平沽縣高八百丈可避兵恒山之佐命也亦曰沽嶺

**臯落山** 縣東七十里左傳閔二年晉侯使太子申生伐東山臯落氏杜氏曰臯落赤狄別種也蓋

邑於此山下亦謂之臯落墟又山亦名靈山下有臯落水南流入於鳴水○石梯山在縣東南六十里石磴陡絕如梯又十里為恒山山勢橫亘西入壽陽縣界又白巖山在縣東南八十里下有楊趙

**松子嶺** 在縣南四十里接和順縣界小松水出其北又有松溪水出焉西流經平定州界又北入

讀史方輿 卷四十 山西二 蓋 敷文閣

南隄井陘縣界注於冶河○黃沙嶺在縣東南二十里又縣西四十里有陡泉嶺洞渦水出焉流入平定州界

**清漳水** 在縣西源出沽嶺北流十八里復折而西南流名為遡流水又南入遼州和順界梁榆水

**沽水** 在縣西南源亦出沽嶺東流合鳴水及小松水過昔陽城東北流入澤發水○鳴水出縣西隄

泉嶺亦名隄泉水流經縣南三十里與石馬水合流東北入於沽水志云縣西南三十里有石馬谷石馬水所出也○小松水在縣南

**洞渦水** 在縣西源出隄泉嶺西北流入平定州界水經注洞渦水西流與南溪水合水出南山西

北注洞渦水

**靜陽鎮** 在縣東南九十里宋乾德四年北漢侵安國軍節度使羅彥瓌等追敗之於靜陽安國軍

即今直隸順德府○百井砦在縣東北七十里  
謂之東百井鎮以陽曲縣有百井也今設柏井馬  
驛於此輿程記柏井  
驛東去故關四十里

忻州府北百六十里東北至代州百七十里東南至  
平定州二百七十里西至崞嵐州三百四十里

春秋屬晉戰國屬趙秦為太原郡地漢因之後漢末

為新興郡地晉因之北魏兼置肆州永安中又改郡

為來安郡後周徙州於鴈門郡隋開皇初復改置新

興郡旋廢十八年置忻州因忻口為名大業三年州廢屬

樓煩郡義寧初復置新興郡唐武德初又改為忻州

天寶初曰新興郡乾元初復故宋仍為忻州金因之

元初改為九原府旋復故明初仍曰忻州以州治秀

讀史方輿 卷四十 山西二 五 敷文閣

容縣省入 編戶六領縣一 十三里

州翼蔽晉陽控帶雲朔左衛勾注之塞南扼石嶺之

關屹為襟要

秀容廢縣今州治本漢陽曲縣地後漢末置九原縣

分并州北境為九原鎮真君七年置肆州以九原

縣并入定襄縣而改置平寇縣後廢高齊復置隋

開皇十年廢平寇縣移秀容縣治焉十八年為忻

州治大業初屬樓煩郡自唐以後皆為忻州治明

初省今州城 周九里有奇

秀容故城在州西北百里後魏時所謂南秀容也又  
有北秀容在漢定襄郡界去南秀容三百  
餘里晉太元末慕容垂伐西燕主慕容於  
拓跋珪遣兵東渡河屯秀容以救之此北秀容  
也魏收地形志永興二年置秀容郡屬肆州領秀  
容等縣又立秀容護軍於汾水西北六十里徙北

秀容之人居之此南秀容也又爾朱榮傳云秀容川會長爾朱羽健之先世居爾朱川因以為民魏主珪以羽健從征晉陽中山有功以南秀容川沃衍次合居之且環其所居割地三百里以為封邑羽健曰北秀容既在劉內差近京師豈以沃瘠更遷遠地珪許之是爾朱氏本居北秀容其地近平城也又云羽健之孫代勤官肆州刺史子新與嗣新興卒子榮嗣世為秀容酋長是代勤以後又居南秀容矣長廣王初河西賊帥紇豆陵步蕃敗爾朱兆於秀容南逼晉陽兆懼引兵南出步蕃游兵至樂平既而高歡與兆合擊步蕃大破之於秀容之石鼓山考武帝脩太昌初高歡自鄴討爾朱兆於晉陽兆大掠晉陽北走秀容分守險隘出入寇掠歡定謀襲之遣其將寶泰自晉陽趨秀容一日一夜行三百里自以大軍繼之遂入其城兆走死皆南秀容也志云後魏末恒州寄治肆州秀容郡城蓋南秀容多故以自隋以後北秀容之名益晦矣今州治之秀容則出自隋以後不可不辨也寰宇記州西北五十里有秀容城即後魏肆州治

讀史方輿 卷四十一 山西二 美 敷文閣

九原城 在州西漢置京陵縣屬太原郡師古曰即古改置九原縣也記曰趙武從先大夫於九京後漢末

原漢末大亂匈奴侵遼自定襄以西盡雲中鴈門之間遂空建安中曹公集荒部之戶以為縣聚之九原界立新興郡領九原等縣三國志建安二十一年集塞下荒地置新興郡魏置肆州治九原城即此寰宇記州之南是也後魏置肆州治九原城即此寰宇記州南三十里有新興城魏曹公所築亦名建安城或曰非也此蓋隋開皇初所置新興郡城○平寇城志云在州東十五里後魏改置平寇縣屬來安郡蓋治於此魏收志真君七年并三堆朔方定襄郡平寇蓋皆初置縣也隋開皇中改廢又州西有銅川廢縣隋開皇初置屬新興郡郡旋廢縣屬并州等屬忻州大業初縣廢

九原山 在州城西漢末以此名縣今州城跨岡上三南二十里俱臨平疇亦曰九龍岡又獨擔山在州西里相傳以程嬰得名山甚廣饒舊有採金穴一名

金山又西北十五里有雲中山山下有谷雲中水出焉或曰晉置雲中縣屬新興郡蓋治於山下山之北即崞縣界又有大嶺山在雲中山之西二十里

**滹沱河** 在州北五十里自崞縣流入界經忻口山下又東歷程侯山北入定襄縣界○雲中水在州北七十里一名肆廬川亦曰忻

水與州南牧馬水合流入滹沱

**牧馬水** 州南七里源出州西南五十里白馬山東北流經三交邨有牛尾莊水流合焉又東經州南而東北入定襄縣界合三合水下滑渠宋郭諮知忻州開渠以導汾水興水利

置屯田公私利之今湮

**赤塘關** 州西南五十里相傳後魏時有劉赤塘者隱此而名唐志忻州白馬山下有赤塘谷關因以名○牛尾莊寨在州西南九十里志云寨在白馬山西馬路通靜樂縣洪武七年置巡司於此又州西北五十里有寨西隘口志云即故雲內鎮一名雲內堡又西北二十里有沙溝寨洪武中置寨

巡司戍守

**忻口砦** 在州北五十里忻口山上土地記漢高出平城相傳即漢高所築隋大業十一年北巡突厥圍帝於鴈門援軍至忻口突厥解圍去五代周顯德元年攻北漢符彥卿入忻州契丹兵在忻代間為北漢聲援者退保忻口九域志秀容縣有忻口砦今半為民居其半築堡為戍守之所○猶兒砦在州北忻水東亦曰猶寨元時戍守處也明朝正統末北寇深入官軍拒守於寨口寇不能陷

**定襄縣** 州東五十里東北至代州五臺縣六十里漢陽山縣地晉置晉昌縣屬新興郡後魏太平真君七年省人定襄縣隋為秀容縣地唐武德四年分秀容縣地置定襄縣屬忻州宋熙寧五年省元祐初復置今編戶

二十里

**定襄城** 在縣西南劉昫曰漢陽曲縣故城也後漢末移陽曲於太原界於故城置定襄縣屬新興

紀要 西沙溝二 卷四十 山西二 三 敷文閣

讀史方輿

紀要

西沙溝二

卷四十

山西二

三

敷文閣

郡以處塞下遺民晉因之惠帝時所置晉昌縣後魏真君七年省晉昌入定襄永安中為來安郡治高齊郡縣俱廢唐改置定襄縣於今治

肆廬城

在縣西北後魏置縣以西近肆廬水而名後齊省又有三會城在縣西南亦後魏所置魏

收志肆廬縣治新會城太平真君七年并三會入焉魏主嗣泰常八年如三會觀屋侯泉即此

聖阜山

縣東北二十里又東北去五臺縣三十八里為接境處其山挺然孤峙上有溫泉聖阜水

出焉又叢象山在縣南二十五里山甚高峻山下有泉三穴流合為一曰三會水○七巖山在縣東

南十五里其巖有七故名又東南十里為居士山山有居士臺臺上有浮圖七級

滹沱河

在縣北自忻州流入又東入五臺縣界志云滹沱水經縣東北二十里有滹水渠東北有通利渠引

下又東南接牧馬河灌溉民田

三會水

在縣南出叢象山東北流合聖阜水又牧馬水自忻州流合焉同注於滹沱河水經注三

讀史方輿

卷四十

山西二

三

敷文閣

會水出九原縣西東流經定襄入滹沱水是也

胡峪寨

在縣東北有巡司戍此宋志代州有胡峪砦

代州

府東北三百五十里東至蔚州三百六十里東南至直隸真定府四百五十里西南至忻州百七十七

里北至大同府二百六十里

春秋時晉地戰國時趙地秦為太原鴈門二郡之境

兩漢魏晉因之後魏亦為鴈門等郡地後周移肆州

治此隋改為代州大業初曰鴈門郡唐復曰代州天

寶初亦曰鴈門郡乾元初復故中和二年置鴈門節

度治此五代末屬於北漢

後周顯德初侵北漢得其地置靜塞軍旋復失之劉

繼元嘗改置建雄軍於此

宋仍曰代州

亦曰鴈門郡

金因之亦曰震武

軍元仍曰代州以州治鴈門縣省人明洪武二年州廢為縣八年復曰代州編戶四里領縣三

州外壯大同之藩衛內固太原之鎖鑰根柢三關咽喉全晉向以山川扼塞去邊頗遠稱為腹裏自東勝

棄而平鴈剝膚河套失而偏老震鄰矣嘉靖中晉事日棘太原建為重鎮州尤為唇齒要地秋防撫臣移駐焉三

關內邊東起平刑關石窰砦西抵樺林堡老牛灣延袤千餘里分為三路寧武關為中路鴈門關為東路

偏頭關為西路東路則鴈門關平刑關之寇家梁廣武站寧武關之陽方口皆為衝要然寇從平虜衛而

下猶有大同為外蔽惟西路偏頭關突出邊地雖有老營堡水泉營相為犄角而形勢單外西接套部僅

隔一水冬春之間冰堅可渡也蓋東勝去偏關僅三百里無東勝則敵之來路益多偏頭危迫而自州以

南且不得安枕矣然則代州與雲朔利害相等東勝不守河套不復未可謂雲朔之患切而代州之患緩

也

鴈門廢縣今州治漢廣武縣地屬太原郡東漢改屬鴈門郡三國魏黃初二年徙鴈門郡南度

勾注治廣武縣隋開皇十八年以太子廣諱改曰鴈門唐宋因之元廢宋白曰後漢鴈門郡理陰館

今勾注山北下館城是魏文帝不後鴈門郡南度勾注治廣武縣今州西廣武故城是後魏明帝

又移置廣武東古上館城內今州城是也城邑考  
州城洪武六年脩築舊有西關景泰成化中添築  
東北二關城今  
城周八里有奇

**陰館城** 在州北四十里漢置縣屬鴈門郡班志注縣  
本樓煩鄉景帝後三年置縣後漢為鴈門郡

治建安中廢三國魏青龍初并州刺史畢軌以鮮  
卑軻比能軍陞北誘集塞下鮮卑因進軍屯陰館  
為彼所敗宋白曰今州城為上館城而陰館為下  
館城魏志牽招傳招為鴈門太守通河西鮮卑附  
頭十餘萬家繕治陞北故上館城置屯戍以鎮內  
外或疑上館亦在陞北蓋招傳謬以下館為上館  
也東魏武定三年高歡娶於柔然親迎  
於下館魏收云下館即故陰館城也

**廣武城** 州西十五里圖經云在勾注陞南口之南秦  
縣屬鴈門郡漢七年韓王信與匈奴謀攻漢

匈奴使左右賢王將萬餘騎與王黃屯廣武以南  
至晉陽又高祖械婁敬於廣武即此也後漢屬太  
原郡為北都尉尉治魏晉皆為鴈門郡治而廢城亦  
縣於上館城仍曰廣武縣為鴈門郡治而廢城亦  
讀史方輿 卷四十一 山西二

紀要

敷文閣

曰古鴈門城唐武德八年突厥寇廣武蓋即鴈門  
縣也○原平城在州西漢縣屬太原郡後漢屬鴈  
門郡晉及後魏因之魏收志原平  
有陰館樓煩等故城是也高齊廢

**善無城** 在州西北七十里漢縣鴈門郡治此後漢為  
定襄郡治宋白曰秦始皇十三年移樓煩於

善無縣蓋秦所置後漢建安中廢晉太元十一  
年代劉頭眷擊破賀蘭部於善無即此東魏天平  
二年復置善無郡治善無縣屬恒州後周廢又平  
城廢縣在州西南後漢末所僑置也晉仍屬鴈門  
郡後魏復還

治陞北云

**神武軍城** 在州北唐志代州有守捉兵其北有大同  
軍本名大武軍調露二年曰神武軍其西又有

二年曰平狄軍大足元年復曰神武軍其西又有  
天安軍天寶十二載置亦曰天寧軍景福元年李  
克用北巡至天寧軍聞盧龍帥李匡威振武帥赫  
連鐸寇雲州乃遣將發兵於晉陽而潛入新城是  
也新城見大同府志云州城中有通阜監  
金大定中鑄錢監也今太僕寺置於此



勾注山

州西北二十五里一名勾注陞亦曰西陞有

志云州西北三十五里曰牛斗山亦名牛頭山亦

龍池其東即勾注陞也夫勾注為南北斗山下有白

鴈門山

州北三十五里與勾注同隴相接故勾注亦

然特高其北與應州龍首山相望又夏屋山在州

東北三十里漢志注謂之賈屋山賈與夏同音也

趙襄子北登夏屋誘代王殺之遂與兵平代地爾

雅謂之下壺山括地志夏屋山一名賈毋山在鴈

鳳凰山

州南三十里相傳隋仁壽二年鳳見於此一

北宋熙寧八年遼人使蕭索來議疆事詔劉忱等

讀史方輿

卷四十一

山西二

聖

敷文閣

以古長城分界今所爭乃黃鬼山相遠三十餘里

不可許遼人復舍黃鬼而以天池請既而從王安

石議如遼人所欲得者一以分水嶺為界凡山皆

豺山

在州西北故善無縣境晉元興元年柔然侵魏

珪築豺山宮於此自是數如此山宮如別宮焉○

獵嶺在夏屋山東北晉太元二十一年慕容垂自

淖沱河

在州南自繁時縣西流入州界又西南入崞縣

平虜渠又宋雍熙三年張齊賢知代州契丹來寇

齊賢拒却之契丹循胡盧南河而西齊賢夜發兵

鴈門渠

在州東南三國志魏牽招為鴈門太守郡治

北走胡盧南河即淖沱河之譌也

陵之宜鑿原開渠注水城南民賴其益今鴈門山下有水東南流經州城外東關廂名東關水又南入於滹沱或謂之常溪水

谷口河

在州東南五十里自五臺縣楊林嶺發源流經谷口故名民多引流灌漑志云城西有三里七頭神河皆以去城遠近之次為名又州西

龍河在州西北三十五里亦流入滹沱又九龍河與三頭神河俱注於滹沱

龍躍泉

在州西北二十五里水經注謂之雲龍泉出與靜樂縣之天池潛通又鈞突泉在州北四十

里亦自平地湧出厥勢湧躍其流俱達於滹沱

鴈門關

州北十五里舊名勾注亦曰西陘在今關西勝蓋即勾注故道改從直路南出耳關外有大石

牆三道小石牆二十五道道北即廣武站也其隘口凡十八東起水峪以迄於平刑西自太和嶺以迄於蘆板口皆有堡正德十一年督臣李錢復增

讀史

方輿

卷四十

山西二

聖

敷文閣

紀要

築土堡十一座於北口在關東者七關西者四又於通賊要路咸斬崖挑塹間以石牆防衛始密邊

防考鴈門關城洪武七年築周二里有奇嘉靖中增脩萬歷二十五年復脩築自古稱鴈門形勝甲

於天下然廣武當四達之衝寇從大同左右衛而

入東越廣武則北樓平刑之患亟西越白草溝

則夾柳樹鵬窠梁之備切嘉靖時寇嘗兩次入犯

皆由白草溝寇家梁而出近建寧邊樓於關外威

遠樓於山巔益以戍兵盡杜其山梁窺伺之隙鴈

門庶可無防越之虞矣餘附詳名山勾注○東陘

關在州南三十里所謂鴈門有東陘西陘之險也元時與西陘俱廢

廣武營

在鴈門關北二十里亦曰廣武城亦曰廣武

奇其西十里為白草溝堡又西二十里為八空口

堡一名水芹堡其東二十里為水峪堡又東五十

里為胡峪堡東接繁峙縣之馬蘭堡邊防志廣武

當南北之衝北去馬邑縣僅二十里水峪堡與應

州山陰縣接界東津谷西訖寧武界神樹梁凡百餘

里中間白草溝樊家坡吉家坡灰窰溝寺兒灘等處為極衝其大小鹽溝馬蓮坪山勢頗峻為次險

又城西之麻巾裂寇家梁城東之灰窰溝又東之天圪堵皆嘉靖間賊嘗內犯之徑

樂安鎮在州北唐大順初雲州防禦赫連鐸與幽州

虜軍李克用遣李存信等擊之營於渾河川之田邨戰於樂安鎮幽州兵皆潰而還

五臺縣州南百四十里東南至孟縣百二十里漢慮虎

魏復置謫為驢夷縣屬來安郡高齊改屬鴈門郡隋

大業初改曰五臺因山以名也唐屬代州宋因之金

貞祐四年升為臺州元因之明洪武二年復為五

臺縣屬太原府八年改屬代州今編戶十五里

慮虎城在縣治東北漢縣治此西晉末南單于鐵佛

在縣北五里相傳石勒將張平所築又有倉城在

縣西南三十里之白邨周百三十步蓋魏晉時驢

夷有倉城是也

五臺山縣東北百四十里北接蔚州界迴環五百餘

是也今詳見名山

滹沱河在縣西南三十五里自定襄縣流入界又東

平池發源流入滹沱

慮虎水在縣東南十里志云源出縣西北十五里王

郵環縣東南一名縣河與縣東北虎陽河合

入清水河注於滹沱漢以此水名縣明天順中知

州李華導民引慮虎水為渠以溉田曰豐樂渠○

虎陽河在縣東北四十里平地湧出西南合慮虎

水又清水河出縣東北一百六十里華巖嶺西南

流慮虎水及虎陽河

俱流合焉注於滹沱

飯仙山口縣東北百二十里有巡司戍守其西南二

十里為狐野口西北二十里為趙滕口又

大峪口在縣東北五十里路通直隸阜平縣西通

崞縣有大峪巡司縣東南七十里又有高洪口南

繁峙

接石佛口北連大峪口路出阜平縣關口山有高  
洪口巡司戍守志云石佛谷口在縣東南五十里  
繁峙縣州東七十里西北至大同府應州百七十里漢  
築宮於此曰繁峙宮東魏天平二年置繁峙縣後周  
郡縣俱廢隋開皇十八年復置繁峙縣屬代州唐宋  
因之金貞祐三年升為堅州元因之明洪武二年復  
為繁峙縣諱時為峙也屬太原府八年改今屬編戶

九里

武州城

即今縣治漢置繁峙縣建武九年杜茂擊盧  
芳將賈覽於繁峙敗績晉咸康二年代王什  
翼健偕位於繁峙北後因置宮於此東魏武定初  
置武州領吐京郡齊郡新安郡並寄治繁峙城內  
後齊改為北靈州尊廢胡氏曰漢初繁峙縣置於  
武州城此亦後漢末所遷也金人圖經城三面枕  
澗東接峻坂極為險固故曰堅州

鹵城

縣東百里漢鹵城縣屬代郡後漢改屬鴈門郡  
建安中廢其地多鹵因名故城周三里有奇又

紀要

東五里有齊城或以為東魏之齊郡城也○後人  
城在縣北漢縣屬太原郡後晉瑣又山寡切高帝  
七年周勃從上擊反韓王信於代降下霍人前擊  
胡騎破之於武泉北正義曰霍人即後人也武泉  
見大

秦戲山

縣東北百二十里山海經大戲之山滹沱水  
出焉或譌為秦戲山郭璞謂之武夫山又譌  
為氏夫山或謂之孤山說文派水出鴈門後人  
內俗又謂之孤山說文派水出鴈門後人戍夫山  
東北入海蓋以滹沱為即派水也派讀孤一統志  
秦戲山俗名小孤山又有大孤山在縣西北五十  
里近法池口通志秦戲為大

茹越山

縣北百里有谷路通大同應州山下舊有茹  
越山越鎮亦曰茹越口為戍守處縣東北百里又  
有平地嶺亦北出大同之道也○寶山在縣東南  
九十里嶺有南冶谷路通南隸唐縣定州之境志云  
縣東南八十里有慈山山勢聳拔崎嶇陟者  
難辨方向因名又有華巖山在縣東九十里

讀史方輿

卷四十一

山西二

敷文閣

淳沱河

在縣城北志云出泰戲山有三泉並導西南

流數里復有三泉流注之又西流至沙礪東合北

樓口水又西流合華巖嶺水至城北又西入代州

郎嶺關

縣東百里舊名狼嶺路通應州屬振武衛戍

年千戶王

刑嶺關

縣東百四十里路通靈邱縣本名瓶形寨

石門子冷水舖入瓶形梅迥等鎖枚梅通蓋與瓶形相

也金志縣有瓶形梅迥等鎖枚梅通蓋與瓶形相

近矣今關有嶺口堡西去鴈門關二百三十里東

至靈邱不過九十里北出大寨口至渾源州亦九

讀史方輿

卷四十一

山西二

五

敷文閣

曰大安嶺堡又西北二十里曰車道口堡大安堡

南六十里曰沙澗驛又西南至縣凡四十里本關

為東路之門戶東控紫荊西轄鴈門與團城子堡

北樓口堡

在縣東北百二十里堡城正德九年築嘉

備兵使者駐焉所轄邊二百五十三里東起平刑

界石窰菴西抵廣武界東津口皆近腹裏山南一

沃然東有正峪口西有白道陂俱為衝要堡東三

十五里曰凌雲口堡東南接大安嶺凡百里其西

二十里曰大石口堡北去應州止三十里宋楊業

小石口堡

在大石口西五里堡城正德九年築萬歷

十八年增修後又增築北關今城周二

即醇縣之石峽口也

里奇西二十里為茹越堡又西二十里為馬蘭  
峪堡堡北去山陰縣三十里其西十五里即代州  
之胡峪堡也邊防攷小石口轄凌雲大石茹越馬  
蘭等四堡分管邊一百有六里堡東麻森嶺上  
衛白道破牛巢峪等處山谷平漫嘉靖中寇入犯  
堡南黃草坪及龍王堂板鋪嶺俱由此逸出蓋衝要  
地也

**醇縣**州西南六十里西南至忻州百四十里漢醇縣地  
屬鴈門郡後漢末廢晉復置仍屬鴈門郡後魏末  
興二年析置石城縣屬秀容郡東魏置廓州北齊改  
為北顯州後周州廢隋開皇十年改石城曰平寇屬  
代州大業初復曰醇縣唐宋因之元曰醇州明洪武  
二年改州為縣屬太原府八年改今屬編戶三十八  
里

**醇縣故城**在縣西三十五里漢縣治此晉因之後魏  
後齊省入石城縣隋至東魏於石城縣置廓州領  
廣安未定建安三郡俱寄治崞山城內後齊廢郡

讀史方輿 卷四十一 山西二 巽 敷文閣

改置北顯州後周建德六年平齊齊定州刺史高  
紹義復據北朔州周兵擊之拔顯州進逼馬邑即  
北顯州也隋因舊名改石城為醇縣大業十一年  
北巡突厥來襲帝馳入鴈門齊王暕以後軍保醇  
縣即今縣治唐乾符五年沙陀李國昌等焚唐林  
醇縣入忻州元致和元年燕帖木兒作亂於大都  
上都諸王忽刺台等引兵入

**雲中城**縣西南七十里後魏末僑置雲中郡領延民  
雲陽二縣蓋魏主脩永熙二年所置隋志雲

中城東魏時僑置恒州等廢後為蘆板寨城今為  
蘆板寨口堡設兵戍守南至忻口二十里○唐林  
城在縣南四十里唐武氏證聖元年分五臺醇縣  
置武延縣景雲初改為唐林縣五代梁改曰白鹿  
縣石晉曰廣武縣宋省入醇縣又樓煩城志云在  
縣東十五里石趙時置魏收志鴈門郡原平縣有  
樓煩城章懷太子賢曰故城在醇縣東北元魏主  
濬如樓煩宮宮蓋置於此杜佑亦曰醇縣東有樓  
煩故城

崞山 縣西南四十里漢以此山名縣後魏紀太武深

帝濬太安三年崞山別立寢廟故累代皆致祀文成

二年亦崞崞山如繁峙孝文帝宏太和初自白登

如崞山明年復如崞山自是三年至六年皆親往

焉十五年始為定制惟遣有司行事水經注崞川

水出崞山縣故城南西流出山謂之崞口故崞縣

亦有崞口之名○大滹山在縣東南四十里山形

森秀如芙渠然一名蓮花峯又有五峯山在縣東

二十五里以五峯並峙而名又有黃窳山在縣西

南七十里

石鼓山 縣東南七十里志云縣東南有福壽山山之

後魏長廣王初河西賊帥紇豆陵步蕃敗爾朱兆

於秀容南逼晉陽高歡與爾朱兆合擊大破之於

石鼓山即此

揚武谷 縣西三十里揚一作羊或作陽自昔戍守要

地也唐大歷十三年回紇入寇代州都督張

光晟破之於羊武谷五代唐清泰三年石敬瑭據

河東求援於契丹契丹將兵自揚武谷而南石晉

開運三年契丹寇河東劉知遠敗之於陽武谷蓋

馬門西偏之要隘也九域志崞縣有羊武寨劉份

曰代州揚武寨其北有長城嶺今為揚武峪口堡

南至揚武邨三十里西至蘆板寨四十里設兵戍

守堡西又有揚武上下關○石佛谷志云在縣西

北三十里北接朔州界元末用石壘寨明初因之

南通廟嶺即夾柳樹堡

也其西北有郎嶺關云

滹沱關 在縣東南自代州流入境又西南入忻州界

東流入於滹沱○七里河在縣北南流入於滹沱

河又有龍泉在縣西北有二源北曰上龍泉南曰

下龍泉流入於滹沱

讀史方輿 卷四十一 山西二 畝文閣

寧武關 縣西北百十里北接朔州南通靜樂縣界舊

今關東去代州百七十里西去嵐縣百六十里成

化中增脩正德八年寇由大同入犯寧朔倒馬諸

關議者欲調大同兵守寧武樞臣以為寧武三關所以蔽山西而大同所以蔽寧武若端守寧武是年又加修築關城周七里餘臣建牙於此據險扼吭屹為保障關東北二十里曰楊方堡城創築於嘉靖十八年萬歷四年增修周二里有奇近堡有西溝口苦參窠為極衝自堡北至朔州不過四十里不惟寧武要衝亦為三關翰蔽大同有事以重兵駐此東可以衛雁門西可以援偏老北可以應雲朔蓋地利得也邊防攷寧武關分轄揚方朔寧大水口三堡分管邊四十餘里其朔寧堡在關東三十里大灰泉梁嘉靖間寇由兒澗北有馬安山一帶亦防禦要地也

### 盤道梁堡

在寧武關東百里有新舊二城舊城創築三年以舊城地勢低窪又改築新城於邊內周一里

有奇雖高踞山巔而汲水外溝且砂土脈鬆牆垣易圯堡西十五里曰夾柳樹堡中間有駱駝梁為賊衝又西十五里為雕窠梁堡中間有火燒溝為

### 讀史方輿

卷四十四

山西二

哭 敷文閣

賊衝火燒溝之東又有卧羊坡地平漫寇易馳突因設燕兒水堡於其地自雕窠梁而西二十里曰元岡堡西去寧武關五十里中間有金家嘴為賊衝又自盤道梁而東十里曰小蓮花堡亦曰巾橋嶺東接代州之八岔堡凡十五里邊防攷自盤道梁以下凡五堡分管內邊四十八里

### 神池堡

在寧武關北三十里嘉靖十八年築萬歷四年增修周五里有奇堡東通朔州并坪所西南通岢嵐之三岔五寨等堡商販咸集於此其東曰圪佬確堡近堡有靳家窠等衝嘉靖間寇由此入犯堡南溫嶺青羊渠諸處其北曰石湖嶺堡又東北為西溝口堡近堡有潤平西溝二水門澗皆丈餘中豎石柵以防零寇自神池堡以下共四堡分管內邊四十里

### 八角堡

寧武關西北七十里西北至偏頭關九十里宏治二年築萬歷十五年增修周四里有奇堡北二十里有野豬溝堡為最衝東有乾柴溝堡

又有長林堡在八角堡東北六十里嘉靖四十五年築東面靠邊三面長七十八丈初屬岢嵐後改屬寧武東去朔州界五里北至老營堡二十五里



近堡有暗門大莊窩石湖水口三處為最衝蓋堡當南北孔道旁多蹊徑若寇從大同之乃河堡與西路老營之賈家堡犯五寨三岔諸處長林其必由之道也邊防放八角所與所轄三堡分管邊四十里東西與大同老營接壤據山負險寇不易犯唯野豬嶺之兩山長林堡之左右平漫易於馳突不備

利民堡

在寧武關北八十五里宏治二年築嘉靖二州六十里北至老營堡九十里備兵使者駐焉所轄邊二百里東起廣武界八岔堡西之神樹梁西盡老營堡東之地椒峯為中路之要害而堡東曰得勝堡西曰勒馬溝堡北曰蔣家峪堡得勝口有牛筋肢灣小道焉蔣麥川俱為寇衝蓋寇從大同威遠平虜而下即蔣麥川也又勒馬溝有赤谷村等冲嘉靖間寇每由此入犯興嵐一帶蓋堡境平衍無險可恃也邊防攷利民堡與所轄得勝三堡分管邊四十里

讀史方輿 卷四十一 山西二 敷文閣

黃花嶺堡

在寧武關北二十里又北十五里即神池十里即義井堡俱嘉靖中置舊志寧武東路有大河堡又東北則楊方堡也寧武而西則寧文堡又西則三馬營堡又西南

石峽寨

在縣東北今為石峽口堡與楊方堡相近即梁至達達墩築邊八里有奇議者謂楊方堡以西大川通谷平漫無險為雲朔忻代嵐石之徑道寇每由此入犯十八年督臣陳講乃棄舊邊尋王野梁廢蹟修築東起楊方經溫嶺大小水口神池葭麥川至八角堡為長城百八十里中間塹山堙谷環以壕塹險始可恃二十三年督臣曾銑復增築高厚云

土塹寨

在縣西北東魏武定元年高歡築長城於肆丹寇代州張齊賢却之乃北走齊賢先伏步卒二千於土塹寨掩擊之契丹大敗九域志崞縣有土

燈寨燈北史  
作燈土鄧反

附見

振武衛 在代州治東南明  
洪武二十三年建

雁門守禦千戶所 在雁門關洪武七年  
建所於此屬振武衛

寧武守禦千戶所 在寧武關宏治十  
一年建所詳見前

八角守禦千戶所 在八角堡嘉靖  
二年建所見前

岢嵐州 府西二百八十里南至永寧州二百五十里西  
北至保德州二百里東北至大同府朔州二百

里二十

春秋時晉地後為樓煩胡所據趙滅樓煩因為趙地  
秦屬太原郡漢因之後漢末為新興郡地魏晉因之

讀史方輿 卷四十一 山西二 五

敦文閣

後魏末為嵐州地 宋白曰州治  
在今靜樂縣 隋屬樓煩郡唐屬嵐

州宋太平興國五年置岢嵐軍金大定二十二年升

為州元初為管州地後為嵐州地明洪武七年復置

岢嵐縣屬太原府九年升為州 編戶十  
一里 領縣二

州控大河之阻居四山之中捍禦邊陲形勢雄固

嵐谷廢縣 今州治漢汾陽縣地也後漢以後其地大  
抵荒廢後魏末為嵐州地隋為靜樂縣地

又置岢嵐鎮於此唐為岢嵐軍劉昫曰唐初宜芳

縣地也有岢嵐軍長安三年分置嵐谷縣神龍二

年省景龍中張仁亶徙其軍於朔方畱者號岢嵐

守挺隸大同軍開元十二年復置嵐谷縣隸嵐州  
新唐書高宗永淳二年以岢嵐鎮為柵長安三年  
改為軍是也五代唐復置岢嵐軍周廣順二年府  
州防禦使折德展拔北漢岢嵐軍以兵戍之宋仍  
置軍於此金為州治元州縣俱廢明初復置岢嵐

縣尋升為州今州城周六里有奇

遮虜城

在州東南唐遮虜軍也亦曰遮虜平乾符五年以振武帥李國昌為大同帥國昌不受命與子克用合兵陷遮虜軍尋攻倚嵐軍陷其羅城敗官軍於洪谷志云洪谷東北有遮虜平時置軍於此○孤蘇戍城在州東北十里相傳北齊所築遺址猶存

倚嵐山

在州東北七十里高二十餘丈長百餘里與雪山相接一統志云蔚文水出倚嵐山似悞又雪山山即嵐朔之分界一統志雪山在州東北四十里○長城山在州東三十里山下有白龍泉流合嵐瀋河志云州西有焚臺山地中出火因各山上又有火井

巨麓嶺

州西南五十里西南至興縣六十里接境處也山多松一名萬松山或謂之松子嶺宋靖康初折可求援太原道出松子嶺為金人所敗處○乏馬嶺在州東四十里山嶺高峻馬經此輒疲

紀要

讀史方輿

卷四十

山西二

至

敷文閣

乏因名志云巨麓嶺乏馬嶺下皆有水流入嵐瀋河

嵐瀋河

在州城西南源出州東五十里黃道川北之南合巨麓嶺水西流經興縣界入大河南○名源水在州北五十里亦西南流入於黃河

洪谷保隘

州南四十里唐末李克用敗官軍於洪谷保隘路出永寧州又天澗保隘在州北五里路通大同朔州兩山並峙深狹如澗因名○于坑保隘在州西北八十里路通保德州志云州東北四十里有三井鎮明朝置巡司於此今草

五寨堡

在州北東去寧武關神池堡八十里堡城嘉靖十六年築萬歷八年增修周五里有奇鎮西衛五所屯牧於此故名五寨四野平曠居民蕃滋寇往往窺伺又逼近蘆芽山叢木茂林寇易壟集防守不可不密○三岔堡在五寨北五十里堡城嘉靖十八年築萬歷九年增修堡當四達之衝偏關商旅盡出其途亦要地也

嵐縣

州東南百四十里東北至靜樂縣五十里東南至文水縣百七十里亦漢汾陽縣地隋為靜樂縣地

隋末置嵐城縣唐武德四年置東會州治焉又改縣為宜芳縣六年改置嵐州天寶初曰樓煩郡乾元初復故宋仍曰嵐州金因之亦曰鎮西軍元至元二年州縣俱省入管州五年復置嵐州以宜芳縣省入明初洪武二年降為縣九年析置

奇嵐州

以縣屬焉編戶十

合會城 在縣西南唐志武德四年分宜芳縣置合會年縣屬嵐州九年又省合會入宜芳縣○秀容城

通志云在縣南三十里通典宜芳縣有古秀容城即漢汾陽縣或曰城蓋劉淵所築淵姿容秀美因以名其城云

銅鼓山

縣南四十里山下有白龍池亦名白龍山又黃嶺山

在縣西二十五里志云縣四境綿邈山谷叢雜有白龍銅鼓雞缺勢要等山俱稱險阻盜賊往往潛匿其間又尖山亦在縣

西志云蔚汾水所出

紀要

讀史方輿

卷四十

山西二

至 敷文閣

羊腸坂

在縣東水經注汾陽故城積粟所在謂之羊腸坂有羊腸坂石磴縈紆若羊腸焉唐志嵐

州界有羊腸坂皇甫謐地理書太原北九十里有羊腸坂崔隲引以對隋煬帝通釋云嵐州羊腸坂

蓋與交城縣羊腸山相近

大賢河

在縣南志云源出縣南四十里柳峪都東北流至靜樂縣之樓煩鎮入於汾水又蔚汾水

在縣西源出尖山流經州境入與縣界注於大河○清水河在縣東源出縣北四十里雙松山流經

過靜樂縣之樓煩鎮入於汾水

貳郎關

縣北二十五里有土城周一里元大德十一年置巡司於此明洪武十八年修築仍置巡

司今草○天都寨在縣北三十五里有城周二里洪武九年調鎮西衛官兵戍守今草

乏馬嶺寨

在縣北六十里與奇嵐州接界有城周二

○寧武寨或曰在縣西唐乾元中戍守處後置軍於此曰寧武軍乾符五年李國昌陷遮虜軍進擊

寧武及岢嵐軍蓋卽此胡氏曰媯州懷戎縣西有寧武軍蓋國昌遣兵東西肆掠也

興縣

州西百五十六里北至保德州百五十里西南至陝西葭州六十六里漢汾陽縣地後齊置葭汾縣屬神武郡隋廢郡大業四年改縣曰臨津屬東會州尋屬嵐州貞觀武德四年又改縣曰臨津屬東會州尋屬嵐州貞觀元年復改爲合河縣宋因之金末升爲興州屬太原府元仍舊明洪武二年降爲縣九年改今屬編戶十里二

合河城

縣西北六十里唐縣治此宋元豐中徙治葭汾水北卽今治也或曰今縣東南六十里有故臨津城蓋唐初縣嘗治此○太和廢縣在縣北

隋未置唐初屬東會州尋屬嵐州九年省貞觀三年復置太和縣八年又省入合河縣

石樓山

縣東北五十里一峯孤聳峭壁端直百丈有餘四圍不可攀援惟向北一小徑盤迴可達

峯頂俯視羣山若邱垤然一名通天山後漢陽嘉中使何奴中郎將張歙等擊烏桓於通天山大破

紀要

讀史方輿

卷四十一

山西二

敦文閣

之後魏主濬和平三年石樓人賀畧孫反長安鎮將陸真討平之高齊天寶五年齊主自離石道討

山賊一軍從顯州道一軍從晉州道夾攻大破之遂平石樓石樓絕險自魏世所不能至於是遠近

州今見汾州府六壁城

合查山

縣東南八十里峯巒聳異下有龍池又采林山在縣西南六十里峯巖高峻甲於羣山又

縣西八十里有紫金山泉石頗勝

黃河

在縣西五十里自保德州流入境又南入汾州府臨縣界

蔚汾水

縣南十二里自蔚嵐州流經此縣治東有通惠泉自崖阜間分三穴湧出西南合蔚汾水

又西南流達於大河○南川河在縣東南入十里源出合查山經縣南五十里合蔚汾水又有湫水亦出合查山西南流入

臨縣界下流注於大河

合河關

縣西北七十里宋白曰蔚汾水西與黃河合故曰合河有合河津唐置關於此趙珣墜米

圖經關在府州南二百里唐開元九年并州長史張說出合河關掩擊叛衆於銀城連谷大破之宋慶歷元年趙元昊陷豐州遣兵分屯要害以絕麟州餉道議者請棄河外保合河津卽此也銀城連谷見陝西神木縣餘見榆林衛○蔚汾關在縣東唐志合河縣東有蔚汾關蓋以蔚汾水爲名後廢黑峪口縣西五十里卽黃河官渡路通陝西神木柏隆慶元年套寇復由此南犯石州旁畧縣界蓋縣之要防也○界河口在縣東六十里路出奇嵐州有巡司戍守又孟家峪在縣西南五十里黃河崖口路出陝西神木縣亦置巡司於此其相近者又有穆家峪舊亦置巡司今草

附見

鎮西衛 在奇嵐州治西 明洪武七年置

保德州 府西北五百里南至汾州府永寧州二百七十里西南至陝西葭州二百二十里東北至河曲

讀史方輿 卷四十一 山西二 五 敷文閣 紀要 縣一百二十里

春秋時晉地戰國屬趙秦屬太原郡兩漢因之晉以後荒棄隋唐時爲嵐州地宋淳化四年置定羌軍景

德初改保德軍金大定二十二年升爲州元因之屬

太原路明洪武七年改州爲縣九年復爲保德州 編戶

五里仍屬太原府

州迫臨黃河密邇西徼一有不虞自河以東如捧漏

卮矣故西境之防河曲而下州其次衝也

保德廢縣 今州治自昔未有城邑宋始置軍於此與

軍城內置附郭縣仍曰保德尋改軍爲州元省縣

入州明朝因之永樂十一年修築土城東西南三

面臨深溝北臨大河萬歷二十年三十年俱增築邊防攷州與陝西府谷縣止隔一河先年寇由柳溝驢皮窰等處入犯州境而至河曲一帶俱被荼毒故洪守為切今州城周七里有奇

**芭州城** 在州東北元初置芭州屬太原路至元初省入保德州志云州本置於黃河北岸後以於

河遺址僅存今見陝西府谷縣

**翠峯山** 州東入十里形如覆斗松柏蔚然州之鎮山也又有赤山在州東十里

**黃河** 在州城西北與陝西府谷縣隔河相望東北接志保德軍有大堡沙谷二津益大河津渡處也

**保馬水關** 州東北百里有土城周一里餘洪武九年置巡司於此志云州東北二十里有水寨地名義門邨黃河中流巋然屹立高二十八丈周圍如之舊嘗置寨於此

附見

讀史方輿 卷四十 山西二 五 敷文閣 紀要

**保德州守禦千戶所** 在縣治東南 宣德中建